



सानसेयारि "बड'सा" खीरालाइयाव अमाजयारि जिज्जो लोब्बा थानाय रायथाय, अन्थाय, अल', अल'बाथा आबो दावबायारि थावनि, पार्क बाइदिनि सायाव लिबनाय लिबिदां दैथाय हर/ सानसेयारि "बड'सा" खीरालाइया खेबखानावै फोसावगोनै

बड'सायाव लिबनायनि हुइ खालाम, "बड'सा" खी नैथां, जौ बयबो आंगो खालाम।

सानसेयारि बड'सा मावकुलि

माइबं नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com

BODOSA ★ A Bodo News Daily ★ Sunday ★ 12 January, 2025 Kokrajhar, BTC, Assam ★ Vol.-33, Issue No. 286 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

मानास माहारियारि पार्कआव गिखंथाव जाथाय

दावबायारिफोरनि गारिखौ मासे गान्दाया उनथिजायनिफ्राय गग्लोबनो होसोदों



सालबारि, 11 जानुवारि: वाल्ड हेरिस्टेज साइट मानास माहारियारि पार्कआव दिने मोनसे गिखंथाव जाथाय सामजिदों। माहारियारि पार्कनि बासबारि हाग्रा (□ 6 बिलाइआव)

बर' थुनलाइ आफादनि 64 थि बोसोरसालिया जथुम्मा

थामथि साननि हाबाफारियाव गाहाइ आलासि महरै थुनलाइगिरि मृनालीनी देबिआ बाहागो लाफैदों

गुबुन गुबुन आयदायाव सा 9 थुनलाइगिरिफोरनो बान्था गथायबाय



डिमाकुसि, दैमु नोगोर, 11 जानुवारि: बर' हरिनि देरसिन हरिसु-थुनलाइनि गुबुन मोनसे आफादआ जाबाल बर' थुनलाइ आफाद। उदालगुरि जिल्लानि भारत-भुटान सिमना ओन्सोलनि आथिखालाव खौसेथि गोरोबलायनायनि थावनि महर मोन्नाय डिमाकुसिनि दैमु नोगोराव थांनाय 9 जानुवारिनिफ्राय जागायजेन्नाय बर' थुनलाइ आफादनि मिरु जथुमा दिने थामथि सानाव आगान होबाय। जेराव गुबुन गुबुन हादतजों लोगोसेनो नसुंसेनि माखासे राइज्योनि

थान्दैफोर आलासि महरै आरो रोजा रोजा थुनलाइ अन्सायारि सुबुंफोरखौ दैमु नोगोराव बर' थुनलाइ आफादनि जथुम खुनाय जायगायाव दोहो जानायखौ नुनो मोन्नाय जादों। मख'नो गोनांदि, थामथि साननि हाबाफारियाव दर 14 हादतनि राजथान्दैफोरनि बाहागो लाफैनायाव सुबुंफोरनि दोहो जाफैनाय बर' थुनलाइ आफादनि 64थि डिमाकुसि दैमु नोगोरनि जथुम्मा खुनाय जायगायाव दिने शनिवारखालि फुडाव बर' थुनलाइ आफादनि आफादगिरि (□ 6 बिलाइआव)

दुलाराइ आसाम मावफारिया आफादनि थान्दैफोरजों गिबि मन्थिआ सावरायलायदों

गिबि मन्थिआ गेबेडै आरो बाउसोमनानै राइजो-राजाफोरनो सिबिथाय होनो आसामनि मावफारिया समाजखौ खावलायहरदों

दिसपुर, 11 जानुवारि: गिबि मन्थि आ हिमन्त बिश्व शर्माआ दिने दिसपुरआव थानाय जनता भवन लांगोनानि सुबुं सिबिथाय भवननि सावराय न'ब्लाडव दुलाराइ आसाम मावफारिया आफादनि थान्दैफोरजों मोनसे सावराय जथुमाव बाहागो लायो। बे जथुमाव मावफारिया आफादनि गुबुन गुबुन दाबिजों (□ 6 बिलाइआव)



उदालगुरि जिल्लायव 2024 माइथायाव 1 रोजानिखुइ बांसिन सुबुंफोरा जाब्रबथायाव गोलैदों

उदालगुरि, 11 जानुवारि: उदालगुरि जिल्लानि गुबुन गुबुन ओन्सोलाव खौरां बुथुमनाय समसिमाव थांनाय डिसेम्बर दानाव गासै 100 निखुइ बांसिन सुबुंफोरा जाब्रबथायाव मोगा-मोगि जानाय समावो थांनाय 2024 माइथायाव लामा जाब्रबथायनि दुखुनांथाव फोरमायथिया सोराडव फेदों। थांनाय बोसोरनि 30 (□ 6 बिलाइआव)

एबसुआ माहारिबादनि आदर्श, बड'फाआ गरेमसा हरि दानायनि मेंनो रोडै स्पिरिट: दिपेन बर'

कक्राझार, 11 जानुवारि: सनितपुर जिल्ला दुलाराय बर' फरायसा आफादनि 52थि बोसोरसालिया जथुम्मा आरो सा-ढेकि याजुलि दख'रा दुलाराय बर' फरायसा आफादनि खुंगा 17थि बोसोरसालिया जथुम्माखौ 9, 10 आरो 11 जानुवारि, 2025 खालाराव सानथामनि मेहेरगोनां हाबाफारिनि गेजेरजों 1 नं सिजोगुरि गुदि फरायसालिनि गेलेग्रा फोथाराव गाजा-



गोमजायै खुंफुनाय जायो। बे जथुम्माजोंनो लोब्बा लाखिनानै खुंफुनाय दिनेनि गेवलां मेलखौ सनितपुर जिल्ला एबसुआ आफादगिरि जित स्वर्गियारि (□ 6 बिलाइआव)

लाइफ इन्सुरेन्स एजेन्ट एससिएसननि कक्राझार दालाइनि गोदान आफाद दादों



बासुगाव, 11 जानुवारि: भारतीय जिवन बीमा निगमनि सिन्धि महरनि एजेन्टफोरखौ बायदि रोखोमनि सोबख'नायजों लोगोसे नासयबोदों बीमा बिफानआ। बेबादि अजद देखांगानै आथिखालाव एजेन्टफोरा खौसे जानायनि सम फेबाय होन्नानै अल इन्डिया एजेन्ट एससिएसननि सोद्रोमा धर्मेश्वर स्वर्गियारी आरो बडइगाव डिभिजन कार्डिनलनि नेहाथारि समिल दासमोनहा फोरमायना होदों। फेगौ 19 जानुवारीयाव बरपेटा रडआव खुंजानो गोनां 6थि बडइगाव डिभिजनल कार्डिनलनि कन्फारेन्सआव बयखौबो फेनानै हाबाफारिखौ जाफुंहोनो बिथामोना खावलायदों। मख'नो गोनांदि, दिने लाइफ इन्सुरेन्स एजेन्ट एससिएसन कक्राझार इन्टर्नि सरसनन्हा मेलव आफादगिरि (□ 6 बिलाइआव)

फातेमाबाद साहा बागाननि फोरोगिरि, मावफारिया जितसिं तुतिआ थैबाय

भबानिपुर, 11 जानुवारि: बाक्सा जिल्लानि सालबारि महकुमानि सिडाव थानाय बासबारिनि फातेमाबाद साहा बागाननि गुदि फरायसालिनि फोरोंगिरि आरो बागाननि पिएफनि मावफारिया जितसिं तुति (47) नि मैया हरनि 9:30 रिंगायाव गावनि न'यावनो बिखानि बेरमजों नाखेबजानानै रंसारि जायो। जितसिं तुतिआ 1995 माइथायनिफ्राय फातेमाबाद साहा बागाननि (□ 6 बिलाइआव)

फोरमायथाय आरो सुबुं फोनांजाब सेक्रेटारि, सामब्लायगिरिखौ मान बाउदों



तामुलपुर, 11 जानुवारि: आसाम आञ्जिरा मोन्नाय खौरंगिरि पेन्सनार आपादनि मोनसे थान्दै हान्जाया मैया दिसपुरआव फोरमायथाय आरो सुबुं फोनांजाब बिफाननि साथाम बिबानगिरि फारियै सेक्रेटारि अरुन्धति चक्रवर्ति, सामब्लायगिरि मानबेद्रे देव राय आरो फोरमायथाय आरो सुबुं फोनांजाब बिफाननि सुबुं फोनांजाब बिबानगिरि मन्जुरनि डेकाखौ गोदान बोसोरनि लोब्बाजों बिहु फालि आरो केलेन्डरजों मान बाउनाय जायो। लोगोसे पेन्सननि बिबांखौ बांहोनाय आरो फोरमान लाइ होनो थाखाय खावलायहरो। थान्दै हान्जायाव बिनय रञ्जन शर्मा, आफादगिरि ताजुद्दुन आहमेद गाहाइ नेहाथारि कैलाश चौधुरि, लेडइ आफादगिरि आनन्द रमसियारी आरो कौरंगिरि नित्यानन्द दास मोनहा बाहागो लायो। (□ 6 बिलाइआव)

गुन गोनां सोलोंथाइनि जांखिथाइखौ बिथा खालामनानै फेगौ इं 2025 माइथायनि मेट्रिक आन्जाद आरो हायारसेकेन्डारि आन्जाद होगिरि फरायसाफोरखौ थुलुंगाखां होनाय हाबाफारि

सानजारि नोगोर, 11 जानुवारि: दिने जनाइ दख'रा दुलाराय बर' फरायसा आफादनि बानजायनायाव इउ एन बि बड' मेम 'रियेल गोजो फरायसालिनि न'ब्लाडव सानसेनि मेहेर गोनां हाबाफारिजों गुनगोनां सोलोंथाइनि जांखिथाइखौ बिथा खालामनानै फेगौ इं 2025 माइथायनि जोबथा आन्जाद एडएसएलसि आरो हायारसेकेन्डारि आन्जाद होगिरि फरायसाफोरखौ थुलुंगा होनाय



सावराय मेलखौ थाखो 9, 10 आरो 12 थाखोनि फरायसाफोरखौ लानानै सावरायनाय जायो। सावराय मेलखौ जनाइ दख'रा दुलाराय बर' फरायसा आफादनि आफादगिरि चत्त्यजिद बसुमतारि बिथानि आफादगिरि मासि लानायाव मेलखौ बेखेवनानै होयो दख'रा गाहाइ नेहाथारि बिरबल बसुमतारि बिथाड। (□ 6 बिलाइआव)

आसाम गरिया आफादा बिटिसिनि गाहाइ मावफुं सोद्रोमा प्रमद बर'नो लोगोयारि बान्था होनो फोसावदों

तामुलपुर, 11 जानुवारि: बिटिसिनि गाहाइ मावफुं सोद्रोमा प्रमद बर'निमिसिम लोगोयारि बान्था होनो फोसावदों आसाम गरिया आफादा। आफादनि आफादगिरि आबुल हामिद आरो मावफुं आफादगिरि मइनुल हकआ खौरां बिजोनि गेजेरजों बे बाथ्राखौ मिथिहोदों। लोगोसे सानै दैदनगिरिफोरा बुडेदि, प्रमद बर'आ बिटिसि खुंथायनि बिबान आजावनायनि उनावो बिटिआर ओन्सोलाव गोजोन थासारिया गायसनजादों। लोगोसे बिटिआरआव जिउ खुंनाय गासैबो हरि-माहारिनि सुबुंफोरनि गेजेराव बिदा-फेबायनि दौलेडा सिगांनिखुइ गोखोंसिन जादों। बेनि अनगायैबो बिटिसिनि गाहाइ मावफुं सोद्रोमा प्रमद बर'आ मोन 26 हरि-माहारिनि गुबुन गुबुन अजद आरो जेनाफोरखौ बिथाडा दिहुनबाय थानाय भिजन डकुमेन्टआव सोसन्नाय बाथ्राखौ आफादा फोरमायो। प्रमद बर'आ बिटिआरनि गासैबो हरि-माहारिखौ लाफानानै दावगालानायाव बिटिआरआव जोगाथाय आरो गोजोन आबहावा सोर्जिजादों। इयुनाव प्रमद बरखौ राजखान्थियारि आरो समाजारि महरै बांसिने खामानि मावनायनि बिथिडव थुलुंगाखां होनो आफादा लोगोयारि बान्था होनायनि बाथ्राखौ फोसावो। बिथानो थाबैनो बे बान्थाखौ गथायनाय जागोन होन्नानै आफादा फोरमायदों। (□ 6 बिलाइआव)

चिरां सत्र बिजिरसालिआ आइजोखौ गावथारनो नाजानाय दायनिगिरिखौ 10 बोसोर जोबथेसालिनि साजा होदों



बासुगाव, 11 जानुवारि: गंसे सिगोरटखौ बाकि बिनानै मोनैनि थाखायनो सासे आइजो फालांगिरिखौ गुलि गावनानै बुथारनो नाजानाय जाथायनि (□ 6 बिलाइआव)

गसाइगाव बि पि एसआव नैथि आदार फोर्बो खुंदों



गसाइगाव, 11 जानुवारि: कक्राझार जिल्लानि गसाइगाव बड'लेण्ड पालिक फरायसालिनि बान्जायनायाव दिने सानसेनि हाबाफारिजों नैथि आदार फोर्बो खुंनाय जायो। हाबाफारियाव गसाइगाव महकुमानि गोरायुं ड कुमुद रञ्जन बसुमतारिआ गाहाइ आलासि महरै बाहागो लानानै आदार मेलखौ बेखेवनानै होयो। फरायसा, दिथागिरि आरो

फोरोंगिरिफोरा माखासे हान्जाफोरनि बाहागो लानाय आदार फोर्बोयाव हरि-माहारिनि बायदि रोखोमनि जाग्रा आदारजों लोगोसे खोला भारतारि आदारनि गलाफोरव राइजो-राजाफोरनि होंगो-दोंगो जानायखौ नुनो मोन्नाय जायो। गसाइगाव फरायसालिमानि गोरायुं ड कुमुद रञ्जन बसुमतारिआ आदार फोर्बोनि लोब्बाजों खुंनाय बे हाबाफारिनि गेजेरजों गुबुन गुबुन हरि-माहारिनि बायदि रोखोमनि आदारफोरनि सोमोन्दै सांघां (□ 6 बिलाइआव)

सुजुगिरिनि खोलोम

बर' राव थुनलाइ

राइज्योनि दाब दाब सोहोर-नोगोरफोरजों लोगोसे हादतनि गुबुन गुबुन जायगा आरो थावनिफोराव बोसोरफोमबो खुंबोनाय बर' थुनलाइ आफादनि जथुम्माया फैयै-फैयै खुंगा ड'जिब्रैथि बोसोरव आगान होफैबाय। देग्लायनि बे ड'जिब्रैथि बोसोरसालिया जथुम्माखौ बिटिआरनि उदालगुरि जिल्लानि डिमाकुसि हालामनि दैमु नोगोर फोथाराव गाजा-गोमजायै खुंगासिनो थानाय जादों। बर'जों लोगोसे गुबुन गुबुन हारि-माहारि, रावआरि, धोरामारि सुबुंफोरनि बाहागो लानायजों जथुम्माथिलि दैमु नोगोर मोनसे रिंगना-सिंगना मेला थिलिनि महर मोननायखौ नुनो मोननाय जादों। बर'नि सोखो-मोखो गाब गोनां हारिमुआरि मोसानाय, दामनाय-देनाय आरो खन्नाय-रोजानायजों दैमु नोगोरा गोमखांबाय थादों सान-हर नैथि सानावबो।

बर' हारिनि सिन्धि आफाद बर' थुनलाइ आफादनि बे जथुम्माआ गुबुन गुबुन राव, हारिनि मोनसे गोरोबथिलिनिबो महर मोन्दों। डिमाकुसिनि दैमु नोगोराव खुंनया ड'जिब्रैथि बोसोरसालिया जथुम्मानि मख'जाथानासिन हाबाफारिफोरनि गेजेराव बर' थुनलाइ आफादनि नेसैनथि एबा आफादनि फिर्फलाआव होनाय 'बर' राव गेवलांथों' लिस्नायखौ जर'खा अन्थाइयाव दान्नानै अरायथा महर होनायाबो मोनसे। बेनि गेजेरजों फिर्फलानि बे सावगारिआ बे जथुम्मानि गेजेरजों अरायथा महर मोनो हाबाय। बर' थुनलाइ आफादनि डिमाकुसि दैमु नोगोरनि बे जथुम्माआव सा गु बर' थुनलाइगिरिफोरनो जर'खा बान्था गथायनायजों लोगोसे गुबुन गुबुन हारिफोरनि थुनलाइ आफादनि आफादगिरि, नेहाथारिफोर बाहागो लाफैनायजों लोगोसे दर 14 हादतफोरनि मान गोनां सुबुंफोयबो जथुम्माखौ आलासि महरै बाहागो लाफैनायै मेहेर गोनांसिन खालामदों।

बर' माहारिआरि सिन्धि आफाद बर' थुनलाइ आफादनि ड'जिब्रैथि बोसोरसालिया जथुम्माया खालिबोल' थुनलाइनि आफादल' नडा, बेयो बर' हारिनि हारिमु, सोलिबोनाय हारिनि आसारखाथिखौ हारियाव हमथानानै लाखिनायावबो बोगदाद हाबा मावबोदों आरो मावलांबाय थागोन। जथुम्मा जागाय जेन्नायनिफ्राय लानानै लान्थियेनो सानैनि हाबाफारिसम दैमु नोगोरा सुबुंनि बाना मोन्दों बर'जों लोगोसे गुबुन गुबुन हारि-माहारिनि बाहागो लाफैनायजों। डिमाकुसि दैमु नोगोरनि बे ड'जिब्रैथि जथुम्मानि गेजेरजों बर' थुनलाइ आफादया हादत आरो राइज्योनि बर' सुबुं नडै, नाथाय आखा-फाखा बर' राव बुंनो आरो लिस्नो गोरों आरो फरायसालिमा, मुलुगसोलोंसालिफोराव फोरेंगिरि महरै हाबा मावनाय, बर' रावयै बिजाब लिस्नानै दिहुन्नाय सुबुंफोरखौबो हांख्राइरनानै जर'खा सावराय जथुमाव बाहागो लानो खाबु होनाय आरो मान बाडनाया गुबुन गुबुन रावआरिनि सुबुंफोरखौ बर' रावनि फासै सोलोनो थुलुंगाखां होनाय जादों। बिब्दि राहा इयुनाव लालानो हायोब्ला बर' थुनलाइआव गुबुन रावआरि सुबुंफोरनि बिहोमा मोनो हागोन होनानै मिजिंथि लानो हागौ। जोबथा साननि जथुम्मायाबो गाहामै गाहाम जाफुंलांथों बेखौबो मिजिं थिबाय।

दिनैनि फान्जामुथि

राशि बाइदियै मुनि गिबि हांखो

मेघ : अ ल वृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ट (ण ष) तुला : त र वृश्चिक : ब न धनु : ध भ (ङ फ) मकर : ख ज कुम्भ : ग श (स) मीन : द च (ख ज झ)

- मेघ:** माबा मोनसे मुवा-बेसाद मोननायनि आसा दड। गोजोनाय मोनो हागोन। मोजां सान।
- वृष:** फालांगि मावनायाव रां खरसा जानो हागौ। सांग्रां जानानै मावनांगोन।
- मिथुन:** जेखियानो जाया मोजां खामानि मावनायै लानो हागोन। दिनैनि सानआ गोथार सान।
- कर्कट:** माबाफोर जेनायाव गोगलैनो हागौ। जिंगा सिनागौआ जोबनाय नडा। गोसो हमथानांगोन।
- सिंह:** मोजां रंग'थिनि थाखाय सन्मान मोनो हागोन। गोजोनै सम बारहोनो हागोन।
- कन्या:** हरखाबै माबाफोर मुवा-बेसाद मोनो हागोन। गोसोखौ गोजोन मोनगोन। मोजां सान।
- तुला:** दिनैनि सानाव गोबां रां खरसा खालामनानो हागौ। सानै-हयै खालामनाया गाहाम।
- वृश्चिक:** गोबां जेना-जेसिजों बुंफबनो हागौ। गोजोन्नायखौ मोननाय नडा।
- धनु:** सोरजोंबाफोर दावराव-दावसि जानो हागौ। गोसो हमथानानै था।
- मकर:** सोरजोंबाफोर बायदिसिना होनानै लाजि फोनांजानो हागौ। गोसोखौ हमथानानै थानाया गाहाम।
- कुम्भ:** मावबाय थानाय खामानियाव मुलाम्फा आरजिनानै लानो हागोन। गोजोन मोनगोन।
- मीन:** सोरनिबा अन्नायाव माबा मोनसे मुवा-बेसाद मोनो हागौ। गोजोन मोनो हागोन।

हादोरारि लाइमोन सावः स्वामी भिबेकानन्दखौ मान होनाय आरो इयुनखौ थुलुंगा होनाय

जाहिद आहमेद तापदार

बोसोरफोमबो 12 जानुवारिआव फालिजानाय हायुंआरि लाइमोन सानआ भारतनि लाइमोनफोरनि थाखाय जोबोद गोनांथार सान। स्वामी भिबेकानन्दनि जोनोम साननि सन्मानाव फालिजानाय, बे साना लाइमोन सुबुंफोरखौ बिथानि फोरनोरायखौ बोजबना लानो आरो हादोरनि थाखाय मोनसे जौगलु इयुनखौ महर होनायाव गावसोरनि बिफावनि सायाव साननो थाखाय थुलुंगा होयो। इ 1985 माइथायनिफ्राय, बे सानखौ हादोरनाडै फालिनाय जायो, जाय लाइमोनफोरखौ बै बेसेन आरो आदर्शफोरजों थानानै थानो खावलायदों जायखौ भिबेकानन्दआ गावनि गासै जिउआव लाफिदोमोन। जेरै गाहाइ मन्थि नरेन्द्र मदिआ गाहामेनो बुंदोंमोन, "बे साना साफ्रोम भारतआरि लाइमोनफोरनि थाखाय जोबोद थुलुंगासिन सान बेयो गोदान थांखि लानायनि सान। दिनैनि सानाव भारतआ भिबेकानन्दनि महरआव बेबादि गोसो गुदु सिनायथि मोनदोंमोन, जाय दासिमबो जौनि हादोरखौ गोहो होबोगासिनो दं, जोंखौ अरायसम थुलुंगा होबाय थादों आरो जोंखौ सिगांनि लामाखौ दिन्थ्यागसिनो दं। बे बिबुंथिया भिबेकानन्दनि सानखिफोरनि सोमोन्दोखौल' नोजोर होयाखै, नाथाय बिबिसोरो माबोरै भारतनि लाइमोनफोरखौ थुलुंगा होबाय थायो आरो गोहो होबाय थायो बेखौबो दिन्थियो। सासे धोरामारि देदेनगिरि आरो सानथौगिरि स्वामी भिबेकानन्दआ गावनि नोजोरगोनां सानखिफोरजों भारतआरि सांग्रांथियाव मोनसे फोजोबनो हायै दागो गालादोंमोन। 12 जानुवारि, 1863 माइथायाव कलकातायाव जोनोम मोननाय बिबेकानन्दआ मुदांखा इसोरारि रामकृष्ण परमहंसनि गाहाइ सोलोंसामोन। बिथाड रामकृष्ण मठ आरो रामकृष्ण मिशनखौ गायसनदोंमोन, जाय फसंथानफोरा मुलुगानडैनो मोनसे गोदो-गोदायनि हिन्दु सानथौ बिगियान भेदान्ति फोरनोरायखौ गोसारहोनो हाबा मावो। बिथानि बिहोमाया खालि धोरामारि बिथिडवल' नडामोन, नाथाय भारतनि फामुआरि मुगानि समाव माहारियारि सानथौखौ जोंखोहोनायावबोमोन। बिबेकानन्दनि बयनिखुडबो गोहोगोरासिन बिहोमाफोरनि गेजेराव मोनसेआ 1893 माइथाइयाव शिकाग'आव धोराम संसदआव बिथानि मुदांखा बिबुंथिमोन, जेराव बिथाड सोनाबारि मुलुगान हिन्दु धोरामखौ सिनायथि होदोंमोन। धोरामारि सहायथावना, खौसेथि आरो गाव-मोनदांथिनि थाखाय बिथानि खावलायनाया बुहुमनाडैनो रिंखादोंमोन। भारतआव बिथाड गोबांखोनो

उदांखि सोमावसारनायाव बाहागो लानो थाखाय थुलुंगा होदोंमोन, सुभाष चन्द्र बस बायदि देदेनगिरिफोरा बिथान्खौ "गोदान भारतनि सोरजिगिरि" महरै मुंख'दोंमोन आरो महात्मा गान्धीआ मानिदोंमोन दि, भिबेकानन्दनि खामानिफोरखौ फरायनायनि उनाव हादोरनि फारसे बिथानि मोजां मोननाय गोबां गुन बांदोंमोन। हायुंआरि लाइमोन सान, हादोरनि लाइमोनफोरनि थाखाय हादोरनि जौगानायनि फारसे गावसोरनि गोहो आरो थुलुंगाखौ दिन्थिनो थाखाय मोनसे गोसोखांहोग्रा महरै खामानि मावो। बे साननि थांखिया स्वामी भिबेकानन्दखौ मान होनायल' नडा। नाथाय लाइमोनफोरखौ थांखिगोनां जिउ खुंनो आरो समाजआव ओंथिगोनां बिहोमा होनो थाखाय थुलुंगा होनाय। बिथानि खौरांआ गाव-सोनारनाय, साहस आरो आबुथिनि सायाव गोसो होदोंमोन, लाइमोनफोरखौ नकारात्मकतानि बेन्दोंनिफ्राय उदां जानो आरो मोनसे दाजाबारि आरो दिहुथायारि सानखिखौ बोजबना लानो खावलायदोंमोन। 1984 माइथाइयाव, भारत सरकारा हादोरनि लाइमोनफोरनि सायाव स्वामी भिबेकानन्दनि गोबां गोहोमखौ गनायथि होनानै मावख'आरि महरै 12 जानुवारिखौ हायुंआरि लाइमोन सान महरै फोसावदोंमोन। सरकारनि थांखिया लाइमोन फोलेरखौ बै बेसेनफोरखौ नाजावनो थाखाय थुलुंगा होनायमोन जायखौ भिबेकानन्दआ फोसावदोंमोन, जेरै गाव-सन्मान, बोसोनारि फोथायथि आरो समाजारि बिबान। हादोर दानायाव लाइमोनफोरनि बिफावखौ बांद्राय बुंनो हाया। बिबिसोरो गाबोननि मशाल देग्रा आरो बिबिसोरनि गोहो, सोरजिलु आरो गोदान दिहुनथाया भारतनि दावगानायनि थाखाय गोनांथार। हायुंआरि लाइमोन सानआ लाइमोनफोरखौ सोलोंथाइ, मावसोम हाबा आरो देदेननायखौ बोजबना लानो थुलुंगा होनानै हादोर दानाय हाबाफारिफोराव नांथावनो थाखाय थुलुंगा होयो। बे फालिथायनि गेजेरजों, बिथामोनखौ गावसोरनि समाजनि फारसे बिबाननि मोनसे मोन्दांथि जौगाहोनो आरो बयनिबो थाखाय मोनसे सावसिन इयुननि थाखाय बिहोमा होनो थाखाय थुलुंगा होनाय जायो। बोसोरफोमबो, हायुंआरि लाइमोन साननि मोनसे आयदा थायो जाय लाइमोनफोरनि सोलिबाय थानाय जेनाफोर आरो हास्थायनायफोरजों गोरबलायो। 2025 माइथायनि थाखाय आयदाया जादों "हादोर दानायनि थाखाय लाइमोन गोहो होनाय"। बे आयदाया लाइमोन सुबुंफोरखौ हादोर दानायाव गावसोरनि गोहो आरो बिबानफोरखौ सिनायनो थाखाय गोहो होनायाव गोसो होयो। स्वामी भिबेकानन्दनि सानथौआ बे

फोथायनायाव बिथा खालाम जादोंमोन दि, लाइमोनफोरा सोलायनाय लाबोनो थाखाय बयनिखुडबो गोहोगोरासिन गोहो। बिथाड सानसेखालि बुंदोंमोन, "सिखार, सांग्रां जा, आरो थांखिसिम सौहैजासिम थाथ"।" खामानि मावनायनि बे खावलायनाया आधिखालाव भारतनि लाइमोनफोरजों गोथौयै रिंसारदों, बिथामोनखौ गावआरि जौगानाय आरो हायुंआरि जौगाथायनि थाखाय गावसोरनि गोहोखौ बाहायनो खावलायदों। गावारि-आबुथि, गियान नागिरनाय आरो गुबुनफोरनो सिबिनायनि गोनांथिनि सायाव बिथानि फोरनोराय दिने ओरैबायदि आरजाथाव जेरै-बिथानि समाव दंमोन। हायुंआरि लाइमोन सानआ भारतनि लाइमोनफोरनि थाखाय गावसोरनि, गावसोरनि हारि आरो गावसोरनि हादोरनि फारसे गावसोरनि बावसोमनायखौ दोन्थनो, सानफिनो आरो गोदान खालामनो मोनसे खालु। बेयो लाइमोनफोरनि गोबां गोहोखौ सिनायनो आरो बेखौ रोखा खालामनो थाखाय मोनसे सान महरै खामानि मावो दि, बिबिसोरो मोनसे गोलां इयुन दानो थाखाय थार बेसेन आरो आगजुफोरजों सुजुजानाय। बिदि खालामनानै बेयो भारतनि बयनिखुडबो देरसिन धोरामारि देदेनगिरिफोरनि गेजेराव सासे, स्वामी भिबेकानन्दनि उनमोनथाइखौ मान होयो, जायनि जिउ आरो फोरोंथया जौलैफोरखौ थुलुंगा होबाय थायो। जेब्ला जों हायुंआरि लाइमोन सान फालियो, फै जों भिबेकानन्दनि सोदोबफोरखौ गोसोआव लाखिनि आरो बिथानि आदर्शफोरखौ फोथानो नाजानि। जौनि गोहोखौ बाहायनानै, सोलोंथायखौ बोजबना लानानै आरो जौनि हारिफोरखौ सिबिनानै, जों गासैबो फैबाय थानाय बोसोरफोराव "भिक्षित भारत" (जौगानाय भारत) दानायाव बिहोमा होनो हागोन। बे आयदायाव बारग' गाहाइ मन्थि छ मनमहन सिंहआ स्वामी भिबेकानन्दनि 150थि जोनोम साननि ब्रै बोसोर गोलाव फालिथायखौ बेखेवनाय समाव बुंदोंमोन, "स्वामीजीनि सानथौ आरो जाय आदर्शफोरनि थाखाय बिथाड थादोंमोन आरो खामानि मावदोंमोन, बे भारतारि लाइमोनफोरनि थाखाय मोनसे गिदि थुलुगानि फुंखा जानो हागौ। बिथानि फोरनोराय जौनि लाइमोन आथालखौ सैथो, बावसोमनाय आरो हादोरनि सिबिनायनि लामार्थि लामा दिन्थिबाय थायो। बेयो गोनांथार दि, आधिखालनि लाइमोनफोरा गावसोरनि सिमा गैयै गोहो आरो गोहोजों हायुंआरि दावगानाय आरो समाजारि गोरबलायनायनि फारसे गावसोरनि नाजानायखौ देदेननांगौ। (लिग्गिरिया फोरमपथि आरो सुबुंफोनांजानि CHD, BTC, कक्राझार)

गोखौ एक्सनाव ममता बेनार्जी, बारग' एमपि आरो एमएलएखौ पार्टीनिफ्राय एरनबाय



कलकाता, 11 जानुवारि: तृममुल कंग्रेसनि बारग' राइज्योससो सोद्रोमा आरो देदेनगिरि डा. नेता शान्तनु सेनखौ टिएमसिनिफ्राय एरनबाय। फारसेथि नैथि खेब भांगइनिफ्राय देहसासाराय टिएमसिनि एमएलए एरबुल इस्लामखौबो पार्टीनिफ्राय एरनो। टिएमसिनि गाहाइ बिबानगिरिया गाहामै बिबान मावफुडैनि दायआव बिबिसोर सानैनि हेंथायै नायबिजिरो। शुक्रवार मोनाबिलियाव पार्टीनि सानै गोजाम देदेनगिरिखौ सास्पेन खालामनयानि खोरड सोराडव फेदों। बेनि सिगांबो अराबुलखौ 6 बोसोरनि थाखाय सास्पेन्ड खालामदों। उनाव पार्टीआ बिखौ बोजबनानै लाफिन्दोंमोन। अराबुलआ थानाय पन्नायत बिसायख'थियाव देरहादों आरो पन्नायत समितिनि सोद्रोमा जादोंमोन। अदेबानि बावैसो सिगां केनि सोनाबनि टिएमसि एमएलए शौकत मल्लाजों गोब्राब दान्थे-बिदायथेबो जादोंमोन, जायखौ पार्टीआ इसेबो मोजां मोनाखै। बेनि सिगां पार्टीनि गाहाइया गले-गले सांग्रांथि होना पार्टीआव गावजों गाव बेबायदि दावराव-दावसिखौ गनायनाय नडा होना बुंदोंमोन। मोनसे पार्टीनिनो जानानै बयखौबो गोरबलायनाया खामानि मावनांगोन होना बुंसेयावबो अराबुल-शौकतनि गेजेराव दावरावआ जोबाखै। बेनि जाडानाव पार्टीआ अराबुलखौ एरनो। फारसेथि बारग' राइज्यो सभानि सोद्रोमा शान्तनु सेनखौ लानानैबो पार्टीआ गिदिरि थांखि लायो। आरजौ कर फाहामसालिनि केसआव बियो गनायथावै आखु दिन्थिदोंमोन, जायखौ पार्टीआ साबजानाय मोनैनि बेराम जौगाखां समितिनि आफादगिरि बिबाननिफ्राय बोख्लायोदोंमोन। बेनि उनाव पार्टीनि बुंथिगिरि बिबाननिफ्राय बोख्लायो आरो जोबथासनायाव पार्टीनिफ्राय एरनो। पार्टीनिफ्राय एरनजानानै शान्तनुआ पार्टीनि थाखाय गाव बेरेंखा जेबो खामानि मावाखै, जायखौ मावदों बेयो पार्टी आरो सरकारनि गाहामनि थाखायसोमोन होना फिन्याय होदों।

मणिपुरनि जिरिबामआव एड्चपिसि-डिनि केडार ग्रेप्टार खालामदों

इम्फल, 11 जानुवारि : हमार पिपुल्स कन्थेन्शन-डेमक्रेटिक (एड्चपिसि-डि) नि सासे सन्देह' खालामथाव केडारखौ थानाय शुक्र बारखालि मणिपुरनि जिरिबामआव ग्रेप्टार खालामो। एड्चपिसि-डिआ मोनसे हा सा बाहागोनि फसंथान, जाय मणिपुरनि सा-सान्जा बाहागोआव थाग्रा हमार सुबुंफोरनि थाखाय मोनसे अट'नमास डिस्ट्रिक्ट काउन्सिलनि दाबि देखेंगासिनो दं। दायनिगिरिखौ आसाम आरो मिज'रामनि सिमनाजों नांजाबनाय मणिपुरनि फेरजल जिल्ला लुंथुइलीन गामिनि थागिबि लालकुइल हमार (48) मुडै सिनायथि होदों। बिखौ मणिपुर पुलिस आरो 38 आसाम राइफल्सनि गेजेरजों जथाइयै सिनायनाय मोनसे हाबाफारियाव ग्रेप्टार खालामनाय जायो। बिबिसोरनि जायगानि बाजारफोराव मोन 20 बेरुप्ट्रा बेसाद, 11 डेटेन्टर, 1 मिटर रेखाथि फ्युज आरो मोन 44 साबोननि दिबाफोरबो जन्ड'खालामो, जेराव

गोदान दिल्ली, 11 जानुवारि : गाहाइ मन्थि नरेन्द्र मदिआ गिबि खेब पडकास्टनि गेजेरजों गावनि माखासे आगुनि खोनाफेरै बाथाखौ फोरमायदों। पडकास्टआव गिबि बिबुंथि लाखिनानै गाहाइ मन्थिया गावनि जिउनि बागै, राजखाथि, सोल्लो खान्थि, समाजयारि फोथारनि गुबुन-गुबुन आयदाफोराव गुवारै सावरायदों। पडकास्टर आरो जेरथा कम्पानिनि ले डाइ गाइसगिरि निखिल कामथजों सावरायनायाव गाहाइ मन्थिया गुजरातनि गध्र जाथार्थिनि सायाव गुवारै फोरमायदों। गाहाइ मन्थिया बुडोदि, 2002 आव गधरनि जाथाइ जानाय समाज गाव बिधानसभायाव दंमोन। बे समावबो जाथाइनि खौरं मोनो आरो गाव गधराआव थानायनि थांखि लायो। बै समाव गावसोहा हेलिकप्टर गैयामोन। बेनिखायनो रैखाथि मावफारियाफोरखौ हेलिकप्टर जगायनो थिनो उनाव अएन'जिसनि हेलिकप्टरखौ मोनो। नाथाय बेयो थानो नेवसियो, मानोना बेनि इन्जना सिंगोलमोन आरो भिआइपिखौ बेजों दावबायहोनो हाया होदोंमोन। अब्ला मदिआ बुंदों गाव भिआइपि नडा आरो लिस्नानै होनो हागौदि, माबाफोर जायोब्ला बेयो आनि दाय जागोन। बेनिफ्राय गाहाइ मन्थिया बे हेलिकप्टरजोंनो थाडे। बै समाव गधराआव थर 5 बमा बेरफुदोंमोन। गुबुन-गुबुन



जायगायाव बमा बेरफुनायजों थासारिया जोबोद जेना गोनां जादोंमोन। मख'जाथावदि, बै समाव गाहाइ मन्थि नरेन्द्र मदिआ गिबि मन्थि बिबानाव दंमोन आरो बिथाड पुलिस कन्ट्रल रुमआव थानो नागिरो। नाथाय सिक्कुरिफोर बिथंखौ होबथायो। मानोना बवेयाव माब्ला मा जागोन बेखौ गिखांदोंमोन। अब्लाबो मदिआ थांथारगोन होना

बुंदोंमोन। बेनि उनाव गाहाइ मन्थिया बुडोदि, सेथि आरो नैथि खेब गाहाइ मन्थि बिबानाव थानाय समाव थालानाय समफोरनि बागै गाव सानोमोन। नाथाय थामथि खेब सरकाराव फेनानै सानायनि दिगआ सोलायो आरो थांखि-मिजिंफोरा गोखौंसिन जायो, सिमांफोरा जाफुंसार जायो। हादतनि थाखाय हाबिलाया गुवारसिन जालाडे। थामथि

सरकाराव फेनायनि सिमांआ जोबोद गिदि। 2047 सिमाव जौगाखां भारत दानाया बाथा एबा बिबुंथिल' नडा, बै समसिमाव मोनफोमखौबो खेब सरकाराव फेनानै सानायनि दिगआ सोलायो आरो थांखि-मिजिंफोरा गोखौंसिन जायो, सिमांफोरा जाफुंसार जायो। हादतनि थाखाय हाबिलाया गुवारसिन जालाडे। थामथि

आसामनि डिब्रुगड्आव 10 दाननि गथ'नाव एड्सएमभिपि मोन्दों



गुवाहाटी, 11 जानुवारि: डिब्रुगड्नि आसाम मेडिकेल कलेज एन्ड हस्पिटल (एएमएसएड्स) आव 10 दाननि सासे गथ'खौ ह्युमेन मेटान्युम भाइरास (एड्सएमभिपि) जादों होना मिबथिनो मोन्दों आरो गथ'खौ देहा फाहामसालियाव थिसन्याय जायो। बेनि सिगां गथ'खौ सरसनस्त्रा गगा मोनयानि

थाखाय एएमएसएड्सआव थिसन्याय जादोंमोन। थानाय सानाव लाहवल् आइसिएमआर-आरएमआरसिजों मोनसे आन्जाद नायनायनि उनाव गथ'नाव भायरासखौ हमनो हादोंमोन। बिथाडा बुडोदि, 2014 नि उननिफ्राय जेब्ला बे बायदि केसआ जौनाव फेदोंमोन अब्ला जों आइसिएमआरनो सेमपल

हरदोंमोन। बेयो मोनसे रटिन टेस्ट आरो टेस्टनि उनाव बेखौ मिबथियो। भुइयाआ बुडोदि, गथ'आ आधिखालाव मोजाडैनो दड। बे भायरासआ 5 बोसोर बेसोसिमनि गथ'फोरनाव सन्देरो आरो बेयो सरसनस्त्रा भायराससो। बिथाडा बुंबावोदि, जिंगा सिनांगौनि बाथा गैया। मोनसे गाहाइ हादरारि फसंथान आरो तारतियारि देहा फाहामसालि, जि प मे र - प ड् च रि र नि नायबिजिरनायनि गेजेरजों खालामनाय मोनसे गोदान नायबिजिरनायाव मिबथिनो हायोदि, गथ'फोरनाव रेसिपरसन आयदाफोरनि थाखाय मिबथि जानाय हिडेमेन मेटान्युम भायरास (एड्सएमभिपि) आ गोदों बोसोर सिगां भारतआव थादोंमोन आरो बेजों लोगोसे बांबोदोंबो।

आसामनि उमरांस खैला गुदुनिफ्राय सासे सुबुंनि गोथै सह बोखांबावदों

हाफ्लं, 11 जानुवारि: 6 सान एबा 144 घन्टानि उनाव दिने शनिबारखालि फुडव आसामनि दिमा हासावआव थानाय उमरांस खैला गुदुनिफ्राय सासे सुबुंनि गोथै सह बोखांनो हाबावदों। सान्थि आरो एन'डिआरएफनि जवानफोय शनिबारखालि फुनि 7.30 रिगायाव बे गोथै सहखौ बोखांदों। आसामनि गिबि मन्थि छ हिमन्त बिश्व शर्माआ शेयार खालामनाय सुलुंनि बादिब्ला, गोथै सहनि सिनायथिखौ दिमा हासावनि कालामातिनि थागिबि लिजान मार (26) होना सिनायथि होदों। बिहा नख'रआव बिसिजों लोगोसे 2 दाननि गथ'दडमोन। बेनि सिगां मगरनि बिहावआ सोमोन्दो गोनां बिबानगिरिफोरखौ गथ'खौ खानो थाखाय दुबुजों गेरेबनाय नख'रनो अरायथा महरै थानानै थानो



हानायनि अस्सुंथाय होनो खावलायदोंमोन। मख'नो गोनांदि, बे दुखुनांथाव जाथार्थिनि सोमोन्दै दासिमआव सानै सुबुंफोरखौ हमनाय जाबाय। सासेखौ खैला गुदुनि ब्लक हल्लर पुपु नुनिसा महरै सिनायथिनो हादों आरो गुबुन सासेखौ होना लश्कर मुडै सिनायथिखौ, जाय लेभाफोरनि खामानि आरो गं होनायखौ नोजोर लाखियो।

गाहाड मन्थि मदिआ हादरनो 10 रेजा भारतयारिफोरनि जीनम डाटा गथायदों

गोदान दिल्ली, 11 जानुवारी: गाहाड मन्थि नरेन्द्र मदिआ 10 रेजा भारतयारिफोरनि जीनम सिक्वेन्स डाटाखौ हादरनो गथायदों। बे जाफु'सारनो हानाया बायटेक्नलजीनि रिसार्चनि बिथिडव माइल खुन्थिया महरै फोरमान जादों। हादरआव जेनेटिक डाइभासिटीखौ दैदेनग्रा जीनम इन्डिया डाटानि सायाव आइबिडिसिनि नायसंगिरिफोरा नायबिजिनो हासिगोन। बेजों जेनेटिक आरो इन्फेक्सन जाग्रा बेरामपोरनि फाहामथायाव मदद मोनगोन। बायटेक्नलजी बिफाननि गेजेरजों खुनाय जीनमिक्स डाटा कनक्लेभभाव गाहाड मन्थि मदिआ भार्चुएल राहाजों जीनम सिक्वेन्स डाटाखौ हादरनो गथायो। बे समाव मदिआ भिडिअ रेकड'डआव बुडोदि, बेयो बायटेक्नलजी रिसार्चनि बिथिडव माइल खुन्थिया महरै फोरमान जागोन। बिथाडा बुंवावदोंदि, आइआइटि,



सिएसआइआर आरो बिआरआइसि बादि मोन 20 निखुइ बांसिन आफादफोरा बे संदानायाव मख'जाथावै बिफाव लादों। बे माहारियारि डाटबेसआ हादरनि बेसेन गैथै बिगियानिक सोदानाया महरै खामानि मावगोन। बेजों इन्फेक्सन जाग्रा बेरामफोरनि फाहामथायाव जौगाखांगोन। बेजों लोगोसे गोदान मुलिफोर आरो फाहामथायनि टेक्नीकआवबे जौगाखांगोन। बेजों गुबुन गुबुन फोलेरफोरनि

जिउनि रुटिननि सायाव नायसनायावबे मदद मोनगोन। बे हाबाफारिआव बिगियान आरो टेक्नलजी मन्थि जितेन्द्र सिंह, गाहाड बिगियानगिरि बोसोनगिरि प्रफेसार अजय कु मार सुद, आइसिएमआरनि गाहाड बिथोनगिरि आरो देहायारि राजिब बहल आरो बायटेक्नलजी बिफाननि नेहाथारि राजेश गखलेआ बाहागो लायो।

मेघालय सरकारआ स्कील आरो आनस्कील मावसुमाफोरनि मिनिमाम दान बान्थाखौ बारायनानै होनो फोसावबाय

शिलंग, 11 जानुवारी: मेघालय सरकारआ 10 जानुवारीखालि सहरआव खुनाय गिबि मन्थि कनराड के सांमानि दैदेनायाव मन्थि आफादनि जथुमआव स्कील आरो आनस्कील मावसुमाफोरनि मिनिमाम हाजिराखौ बांहोदोंमोन। हाइ स्कील मावसुमाफोरनि हाजिराखौ सानसेआव 586 रंनिफ्राय 645 रं आरो स्कील मावसुमाफोरनिखौ 530 रंनिफ्राय 605 रं, सेमि स्कील मावसुमाफोरनिखौ 475 रंनिफ्राय 565 रं आरो आनस्कील मावसुमाफोरनिखौ 419 रंनिफ्राय बारायनानै 525 रं खालामदों। मेघालय भवन आरो गुबुन कन्सट्रक्सन वर्कास रेगुलेसन, कन्डिसन अफ इम्प्लइमेन्ट रुल्स 2008 नि गेजेरजों रेजिस्टर्ड सा 85,000 लेबारफोरा बेनि मुलाम्फाखौ मोनगोन। बे सोदानायाजों रइज्योआव रेजिस्टर्ड लेबारफोरा



फाहामथाय, गथ'फोरनि सोलोंथाय, कल्यान पेन्सन, डिसेम्बलिटि पेन्सन आरो पेमिली पेन्सननि बेलायाव बांसिन मुलाम्फा मोनगोन। केबिनेटआ 2007 नि सिगां थिसनजानाय सा 850 सुबुंफोरनि सिबिथायफोरखौ सायाव बिथा खालामाना नै नेमखान्थि लाबोनायनि प्रपजालखौ गनायथि होयो। लछु एबा सिमनाजों

नांजाबनाय लेबारफोरनि थाखाय थि बेसेनआव थाखाय सिएम एश्यर यजनाखौबो गनायथि होनाय जायो। बेनि गेजेरजों बाजारनि बेसेनआ दावखलायोब्ला खैफोदजों भुगिनांनय फान्नायखौ होवथानायनि

थाखाय थि बेसेनआव रोखा खालामनाय जागोन। बे यजनानि गेजेरजों बेसेन खमायनाय समावल'बायनाय जागोन आरो हासिब, सुपारि बायदि मुवाफोरनि सायाव

गोहोम गोनां जागोन, जायफोरा गोबाव समसिम मोजाडे थायो एबा बाहायजायो। राइज्यो सरकारआ 100 कौटि रंनि रिभलिभ फान्ड थि खालामदों, बेराफासँ 20 कौटि रंनि मददखौ मिरुवारि ट्राइबल केसफोरनि मावख'निफ्राय हरगोन। बेफोरनि अनगयै गिबि मन्थि सांमानि मन्थि आफादआ राइज्योआव फालांगिखौ फु वारनायनि थाखाय मेघालय कारखाना एक्ट 2025 खौबो गनायथि होयो। गिबि मन्थिआ बुंदों, बेनि गेजेरजों आइजोफोरनि हरनि शिफ्टआव खामानि मावनायनि गनायथि होनाय जागोन।

26 जानुवारिआव गाग्लोबनायनि खैसार सानायखौ रैखाथि हान्जाया फेलें खालामनो हादों



श्रीनगर, 11 जानुवारी: रैखाथि सान्थि हान्जाफोरा सुबुंखान्थि सान एबा 26 जानुवारिखालि जम्मु-काश्मीरआव गिदिर उतखारि लाग्लोबनो खैसार सानायखौ फेलें खालामदों। बे खैसारखौ जाफुंहेनो थाखाय पिअकेनि उतखारि गाहाडआ सा-काश्मीरआव एलअसिजों नांजाबनाय कुपवाड़ाआव हाथियारफोरनि मोनसे गिदिर खेप दैथायहरदोंमोन। उतखारिफोरनि आखाइयाव सौहेनायनि सिगांनो रैखाथि हान्जाया बे हाथियारफोरखौ बोखांनो मोनो। सान्थि बिबानगिरिफोर फोरमायदोंदि, थानाय समबरखालि जर'खा सुलुंनि बिथायाव पुलिसआ सान्थि हान्जा

आरो बिएसएफनि जवानफोरजों जुथायै कुपवाड़ानि करालपरा हाग्रायाव सिग्रोमदोंमोन। लान्थियै 3 साननाडे सिग्रोमनानै टिपि हाग्रायाव उतखारिफोरनि हाथियार दोनखोमानाय जायगाखौ संदानानै बोखांनो हायो। बेयाव पिस्टल, गंसे मेगजिन, गर 9 कारतुस, थर 5 हेन्ड ग्रेनेड आरो एसाल्ट रइफलनि 270 कारतुसबो दंफायो। जाय जायगायाव हाथियारखौ बोखांनो मोन्दों बे ओन्सोलआ बरफजों खोबफबनायमोन। बे केसआव रक्वखौबो हमनो मोन्नाय जायाखै। नाथाय टिपि हाग्रानि खाथि-खालायाव गासैबो सन्देह गोनां जायगा आरो सुबुंफोरखौ सिग्रोमनाय जादों।

सिएइसटि हिंसाजों बांग्लादेशनि खारबोनाय सा 28 रिफुजिफोरा मिज'रमाव थाफेदों

आइजल, 11 जानुवारी: लांतलाइ डिपुटि कमिसनार मावख'नि सासे बिबानगिरिया फोरमायनाय बायदिब्ला, बांलादेशनि चटगाव हिल ट्रेक्टस (सिएइसटि) निफ्राय सा 16 गथ'फोरजों लोगोसे खमैब्लाबो सा 28 रिफुजिफोरा भारत-बांग्लादेश सिमना बारनानै खोला मिज'रमनि लांतलाइ जिल्लायाव हाबो। बिथाडा बुडोदि, बांलादेशनि मोनथाम हाजोयारि जिल्लाफोरनि गेजेराव मोनसे बन्दरबन जिल्लानि केरसेटनं आरो पंखियां गामिफोरनि गंबा नख'रफोराव हाबनाय बे रिफुजिफोरा मिज'रम सिमनानि

खाथियाव थानाय हाग्राजों थाबायबोनानै 7 जानुवारीयाव लांतलाइ जिल्लानि हुइतेजल गामियाव हाबदोंमोन। बिथाडा बुडोदि, हुइतेजलनिफ्राय बांलादेशी नोगोरारिफोर, जायफोरा हारियारि मिज'नि बावम कबिलेनिफ्राय फैनायमोन बिसोरखौ आसाम राइफल्सआ खाथिनि तुइथुमनार गामियाव थानाय बिसोरनि केम्पआव लाना थाडे, जेराव बिसोरनो आस्रय होगासिनो दड। बिबानगिरिफोरा फोरमायनाय बायदिब्ला, आसाम राइफल्सनिफ्राय खौरं मोन्नायनि उनाव जिल्ला



खुंथाया बेनि सोमोन्दै रइज्योनि नख'र बिफाननो खौरं होयो, जाय जिल्ला खुंथाय आरो आसाम राइफल्स मोनैबो सुबुंथिनि सायाव बिथा खालामनानै रिफुजिफोरनो

आस्रय होनो बिथोन होयो। बिथानि फोरमायनाय बायदिब्ला, नख'र बिफाननि बिबानगिरिफोर, जिल्ला खुंथाय आरो आसाम राइफल्सनि गेजेराव सावरायनायनि उनाव बांलादेश रिफुजिफोरखौ आसाम

आसामआ बांलादेशनो 5 लाख प्रिमियाम मेन्डरिनि कमला दैथाय हरदों

गुवाहाटी, 11 जानुवारी: आसामआ बराक हायेनआव थानाय श्रीभूमि जिल्लानिफ्राय दै लामाजों बांलादेशनो 5 लाख प्रिमियाम मेन्डरिनि कमला दैथायहरदों, जायनि हेफाजाबै मोनसे मख'जाथाव जाफुंसारनाय मोनो हादों। बे रोखोमनि कमलाआ गोथाव स्वादिनि थाखाय मुंदांखा, जायखौ रइज्योनि आबादारिफोरा गोबां सांग्राथिजों मावयो। आसामनि केबिनेट मन्थि अतुल बराआ गावनि मावख'यारि एक्स हेन्डलआव मेन्डरिनि कमला दैथायहरनायखौ आसामनि थाखाय गोगाथाव आरो जौनि आबादारिफोरखौ थुलुगा होनाय होन्नानै फोरमायदों। बराआ एक्सआव लिस्टदोंदि, आं बै गासै आबादारिफोरनो फोथायजाथाव महरै हामलायथि बाउयो, जायफोरा बे हाबाफारिखौ गोलें बानायदों। नों थामोननि नाजानाया आसामनि



फालांगिखौ हारिमायारि बाजारफोराव लाबोगासिनो दड। बिथाडा बे बिथिडव गिबि मन्थि हिमन्त बिश्व शर्मानि जौनि आबादारिफोरा गोदानै गोजौ थाखोआव सौहेगासिनो

गेजेरजों आबादारिफोरा गुबुन गुबुन मुलाम्फा मोनगासिनो दड। बिथाडा आथिखालाव जौनि आबादारिफोरा गोदानै गोजौ थाखोआव सौहेगासिनो

दड होन्नानै बुंदों। बेनि फिन्नायाव गिबि मन्थि हिमन्त बिश्व शर्माआ रइज्योनि दैथाय हरनायनि राहायाव सोलायनाय लाबोनो नागिरनाय सरकारनि

थांखिखौ मख'दों। बिथाडा एक्सआव बेयो जोबोद मोजं खौरं होन्ना बुडे। जों आसामनि दैथायहरनायखौ बास्केटआव सोलायनो थांखि लागासिनो दड। जैबादियै जों आसामनि फिथाइ आरो मैगफोरनि थाखाय गोदान बाजारफोर नागिरनायखौ सोलिहोना लाखियो। मख'नो गोनांदि, रइज्योनिफ्राय आबाद दैथायहरनाया 2019 नि उननिफ्राय 85 जौखोन्दो बांदों। मन्थिआ बे जाफु'सारहोनायाव मदद खालामनायनि थाखाय आसाम आबाद बिफान, एपिडा आरो जिल्ला खुंथायनोबो हामलायथि बाउदों।

गुवाहाटीआव बुथारनाय जाथायनि दायनिगिरिखौ पुलिसआ गुलि गावना ग्रेप्टार खालामदों

गुवाहाटी, 11 जानुवारी: आसामनि गुवाहाटीयाव पुलिसनि गुलि गावनायाव शुक्र बारखालि बेलासियाव गोब्राबै बुथारनो नाजानायनि दायनिगिरिया जोखोम जायो आरो आथिखालाव पुलिसआ बिखौ ग्रेप्टार खालामो। बे जाथाया आसामनि गुवाहाटीआव हाटीगाव पुलिस स्टेशननि सिडाव थानाय भेटापारा ओन्सोलनि खाथियाव जायो। बेयाव हक आ गोब्राबै सासे



आइजोनि गोदोनाखौ हायो आरो गोब्राबै जोखोम जानाय भुगिनांग्राखौ फाहामथायनि

थाखाय गुवाहाटी मेडिकल कलेज आरो देहा फाहामसावियाव लांनय जादोंमोन आरो हक आ आथिखालाव साजार्जी इडनिटनि जोथोनाव दड डक्टरफोरा फोरमायदों।

(जिएमसिएस) आव लांनय जायो। बेनि उनाव हक खौ जेब्ला पुलिसआ ग्रेप्टार खालामनो नागिरो, अब्ला बियो खारनो नाजयो आरो पुलिसआ बिखौ गुलि गावो। थानाय 2 जानुवारीयाव गुलि नांनयनि उनाव बिखौ देहा फाहामसावियाव लांनय जादोंमोन आरो हक आ आथिखालाव साजार्जी इडनिटनि जोथोनाव दड डक्टरफोरा फोरमायदों।

भारत सरकार, रेलवे मन्थि आफाद
रेलवे थिसन्थाइ वर्ड (आरआरविएस)

मिस्टर आरि थिसन्थाइ फोसावथाइ (सिएएन) नं. 07/2024

मिनिस्टारियल आरो आइसलेटेड केटेगोरि मासिफोरनि गोथांथार मासिवाय थिसन्थाइ

मिनिस्टारियल आरो आइसलेटेड केटेगोरि मासिफोरनि थाखाय गाहायनि टेक्नलआव होनाय बायदि गुन गोनां बिजायिफोरनिफ्राय आरो 'ज विलाड हांखायदों। आरो 'ज विलाड गथायनायनि जोवथा अवदआ: 06/02/2025। आरो 'ज विलाडखौ (गासैआवबो) अनलाइन्जौल' गथायनो हागोन।

आर 'ज विलाड जागवनाय अवद: 07/01/2025
आर 'ज विलाड गथायनायनि जोवथा अवद: 06/02/2025

मासिनि गुं:	7 थि रिगिडि बायदिथे पे रेसले	जागवनाय पे (रं)	नेबिकेय रेटेन्ड	01.01.2025 तिगाव वेतो	गारी मासि (गारी आरआरविएस)
गुबुन गुबुन आयादयाव परट ग्रेजुएट फोसैगिरी	8	47600	C2	18-48	187
साइन्टिफिक सुपार भाइजार (इन्जिनिस आरो फोसैमाइ)	7	44900	B1	18-38	3
गोथांथार आयादयोव फोसैमाइ मोन्नाय ग्रेजुएट फोसैगिरी	7	44900	C2	18-48	338
थिफ 'न' एडिस्टेन्ट	7	44900	C1	18-43	54
पासिक प्रवकीउलर	7	44900	C1	18-35	20
सिंकिबल ट्रेनि इन्स्ट्रक्टर (इंसायि बिजो)	7	44900	C2	18-48	18
साइन्टिफिक एडिस्टेन्ट/ट्रेनि	6	35400	B1	18-38	2
जुनिवर ट्रेनलैन्डर/हिन्दी	6	35400	C2	18-36	130
रोनिवर पासिफि इन्स्ट्रक्टर	6	35400	C1	18-36	3
रटफ आरो वेलेक्योर इन्स्ट्रक्टर	6	35400	C1	18-36	59
लाइब्रेरियन	6	35400	C2	18-33	10
मिजिक फोसैगिरी (आइजो)	6	35400	C2	18-48	3
गोबां आयादयोव गुडि रेलवे फोसैगिरी	6	35400	C2	18-48	188
लोमो फोसैगिरी (आइजो) (जुनिवर एडुल)	6	35400	C2	18-48	2
लेबरेटि एडिस्टेन्ट/एडुल	4	25500	C2	18-48	7
लेब एडिस्टेन्ट ग्रेड III (केमिस्ट आरो मेतलालिस्ट)	2	19900	B1	18-33	12

गारी 1036

गोर्गनि टेक्नलआव होनाय बेसोनि जकाथिआ गोसोर हिसावै आरो बेसोनि जकाथिखौ कपिक-19 फोजोवराजनायनि जाहोनाय 3 गोसोर वेवय होनायखौबो यजानायाव जादों।

वेवयनि मिथिबोना थाखाय मिस्टर आरि थिसन्थाइ फोसावथाइ (सिएएन) नं. 07/2024 खौ रेलवे डिप्टुमेन्ट (आरआरविएस) नि गाहायाव होनाय मावखुलि वेवसावदआव जायनो हलने।

सिएएन नं. 07/2024 आब बाहरो लानो आरआर विएसनि वेवसावद

Ahmedabad	www.rrbahmedabad.gov.in	Chandigarh	www.rrbcdg.gov.in	Malda	www.rrbmalda.gov.in
Ajmer	www.rrbajmer.gov.in	Chennai	www.rrbchennai.gov.in	Mumbai	www.rrbmumbai.gov.in
Bangalore	www.rrbnc.gov.in	Goalkhpur	www.rrbgkp.gov.in	Patna	www.rrbpatna.gov.in
Bhopal	www.rrbhopal.gov.in	Guwahati	www.rrbguwahati.gov.in	Prayagraj	www.rrbald.gov.in
Bhubaneswar	www.rrbbs.gov.in	Jammu-Srinagar	www.rrbjammu.nic.in	Ranchi	www.rrbrcranchi.gov.in
Bilaspur	www.rrbilaspur.gov.in	Kolkata	www.rrbkolkata.gov.in	Secunderabad	www.rrbsecunderabad.gov.in

बे फोसावथाइआ आइडे वेवसावथि बायदिबे अनलाइन चकनि गेजेरजों आरो 'ज गावनायनि थिसन्थाइ मिजिफोरा गाव-गावनि इन्फोमेटिन्स थिसन्थाइ परट पेसिफिटर डेवल आरे सिएएन नं. 07/2024 नि रेखा डेवआव नागोनो हागोन। गोर्गनाय होनाय फोसावथाइनि सोभा थानाय जायथि-जाया गोरोथि फोसावथाव/फावसायनाय/गोनां फोसावथाइफोरखौ आरआरविएसनि गोर्गनाय होनाय वेवसावथिफोराव' सय गाथयिथे फोसावनाय जागोन।

नं. आरआरवि/एडिस्टेन्ट/एडिस्टेन्ट/सिएएन 07/2024/मिनिस्टारियल एन्ड आइसलेटेड केटेगोरि

मासिफोरनि, रेलवे थिसन्थाइ वर्ड

दालालि, थगायग्रा आरो नंखाय रं खामायफाफोरनिफ्राय साग्रा जा

No.KDB-415/2023-2024/10997 Dated Gurufela the 09/01/2025

NOTICE INVITING TENDER

Sealed tender affixing a non-refundable court fee stamp of Rs. 8.25 (Rupees Eight and twenty five rupees) only with a validity period of 180 days, which will subsequently be covered and drawn up in the printed of F-2 form are invited from the registered contractor Class-I (A, B, C) & Class-II Categories Assam P&RD and BTC, according to their eligibility for submitting tenders for the works under 15th FC fund for the year 2024-25 as stated below. The tender will be received by the undersigned upto 2.00 PM of 30/01/2025 and will be opened on same day at 3.PM.

Sl. No.	Name of Work	Location	Estimated value (Rs. In lakh)	Cost of bid document	Amount of bid security	Time of completion
1	Construction of community toilet North Rajadabri Bazar	Rajadabri	Rs. 11.00 L	0.03%	SC/ST= 1% OTH = 2%	3 months

Details N.I.T may be seen in all working days during office hours in the office of the undersigned tender will be issued to the contractors of their authorized agent from 10/01/2024 to 30/01/2025 in the office of the undersigned on payment in the form of demand draft/banker's cheque from any Nationalized bank, duly pledged in favour of the BDO, Kachugaon Dev. Block, Gurufela. Sd/- Block Development Officer, Kachugaon Dev. Block, Gurufela

IPR(BTC)-2023-24/1293

लिटार हिसाबै सोयालासे पेट्रल-डिजेलखौ रं हिसाबै सोनायनि मिबथिनो गोनां जाहोन

आंथि खाला व नखर-नखर बयनावबो गारि-मटर दंसै। फारसेथि पेट्रल-डिजेलनि बेसेनाबो बांबोगासिनो। जाउनाव सुबुंफोरा आगुनि बायदि लिटार हिसाबै थावखौ सोयालासे गावनि हानाय बायदियै 100, 200 आरो बिब्दिनो 500 रं एबा जान्थाइखौ नोजोर होनायै थाव सोयो। फारसेथि खायसे सुबुंफोर दड; जायफोरा फुरायै 100 रं, 200 रं, एबा 500 रंनि पेट्रल-डिजेल सोया, बिसोरो इसे खमसिम एबा बांसिन रंनि सोयो। जैरै 110 रं, 210 रं, 510 रं आरो नडाब्ला 495 रं। माखासे सुबुंफोरा बेनि बागै सौंथि खालामनायाव सोमोनांथाव फिन्नाय होदैं। अदेबानि थाव सोनायाव माखासे मख 'जाथाव बाथ्राफोरखौ नोजोर लाखिनांगौ जाहाथे जौं थगायजाया। पेट्रल पाम्पआव जाय बेसेनाव थावखौ बांसिन फान्नो हायो बेनि कड सेट खालामनाय जायो। बेफोरो राउन्ड फिगाराव थायो जैरै-



100, 200, 500 आरो 1000 रं। बेनि एन्ट्रिनि थाखाय वन बटन सिस्टेम थायो, जायखौ पेट्रल पाम्पनि मानफारियाआ थुना होयो आरो सोदोब रिंखाडो। बबेखानि बाहायगिरिफोरा नुनायाव नाम्बार्फोरनि गेजेरजौं माबा सेटि खालामजायो होन्ना सान्ना लायो आरो थावखौ रंनिफ्राय खमसिन जखानि मोन्दों

होन्नाबो सानो। बेबादिनो बिसोरो बे बायदि गथा-गथा नाम्बाराव सोयालासेनो इसे खम-बारायै सोयोब्ला थि जखानि थाव मोनगोन सान्ना लायो। नंगुबै बाथ्राया जादों पेट्रल पाम्पनि मेसिनआ लिटार हिसाबै जखा सुनायनि थाखाय बानायजानाय, बेखौ प्ल'मितार होन्नाय जायो। लिटारनिफ्राय रंनि थाव सोनाया गाहाम।

कन्भार्जनआ मोनसे सफ्टवेयारनि गेजेरजौं जायो। बेयाव डिजेल एबा पेट्रलनि लिटारसेनि बेसेनखौ सेट खालामो आरो बेनि हिसाबै थावनि जखाखौ सुनाय जायो। जैरै- 100 एबा 200 रंआव बेसेबां थाव मोनगोन। थि जखानि थाव मोन्नो हास्थायोब्ला लिटार हिसाबै थाव सोनाया गाहाम।

रंजालि गथ'फोरनि सौरा

दागो

थैसामजों लिरनाय जौनि गोथां जारिमिन था गोथै मैखुन रज'बाय बिबारनि सिमां थुंगेबाय।

जारिमिनाव मोदैनि बाना हंमासुना बिलिरो सावगारि नौनि महरा गोबौनि एलबामाव दोरफो दोरफो खामगिलयो बिखा।

नौनि आंनि अनलायनाय सिमांनि फावथिना सायनासालि रनसायदोंमोन गाबगोनां आबिरजों सिमां दागो जानानै थाबायल' गासैबो अन्नायनि रोसि।

गलाप खुंगुर बसुमतारि कक्राझार।

रादाब

रादाब रादाब रादाब जोबनो गैयै रादाब, मैया खोनादों फिसा सासे गोनां हिनजाव सोरबा सिनाय मोनै हौवाजों खारफा लांनाय दुखुनांथाव रादाब। रादाब रादाब रादाब जैरैबो रादाब, दिदै खोनानो मोनदों मिनिथावा गाबथावा खानाय दारि मोननाय बिहामजो मोननाय गोगो सुबुंथिआ रुवाथिजों गोसो थोजेलायनाय हिन्जावनि मेग'नाव हाद्रि सारनाय। रादाब रादाब रादाब, दिदैबो खोनानो मोन्दों जिबा बोसोर बेसोनि हौवासा जिब्रै बोसोरनि हिन्जावसा बंगालर दोनखारलांदों। रादाब रादाब रादाब दिदै गोजोनथाव रादाब, जौनि गामियाव दिदै मोनसे

जयस्त्रि बसुमतारि (रौता, उदालगुरि)

साया मायासो

थाखा आरो फैसाया नौनि आंनि आखाइयाव दानो दं दानो गैया साया मायासो

रैदोम बर', बाक्सा

गुन थानांगोन

गोगो सानथौ हानायनि गोसो दाइयेरियाव सायखौनि बिसम्बि सोरजि लांनो हानाय गुन थानांगोन नंआबोला आस'खानदा।

सबिराम बर' राबां, बाक्सा

गोसो थोफ्लांवाय आं

गोसो थोफ्लांवाय आं नौंखौ स'ना; मा होन्नानै रायज्जायबावगोन आं नौंखौ लोगो मोनबोला सना। जाया नंडा जाबाय नौबो सासे महर गोसा नौबो सासे महर गोसा सिखोला; फसाया नंडा फसायफ्लांवाय आंनि जावलिआ गोसोआबो। गोजावनांवाय आं नौनि महरावो रायखोमा जानांवाय आं; सुबुंजों हिनजावनि फागोला बरिख जानांवाय आं लामा-सामा। दोहो-दोहो खामगिल लांडो आंनि सोलेरा दुखुनि मोदैजों लोमसाव फैयो; जेबोला नौनि हायना गोनां महरखो गोसोखांडो हाया आं नौंखौ बावनो हाया। नौनि मिनिनाय नौनि रायज्जायनाय दिदै नुयै गामोनबो नुयैनो; गोसो थोफ्लांवाय आं नौंखौ सना नौं मानि-दामानि। नाथाय नागिरै-नागिरै मोनबायमोन आं सायखना नौंखौल बे जोनोमाव; मोनहां-मोनाहां जागोना जाया आंनि गोसोजों हास्थायनाया। बेयो आं अराय सम नौनि गुरै रावनि फिन्नाय सना; आंनि गेप्रेब देरानि दरखांआव।

रामनाथ बसुमतारि ला:सो:- निउ बडाइगाव जिला-चिरां, बि टि सि

बैथा गैयै जिउनि दिडा

बे फैलाव बुहुम बिखायाव सोरगिदि साग्लोबनानै दं, लैथो लैथोमा..... दं आं दैमा सेराव जिरायनानै, गावनि जिउनि गोजोननि, खोथाखौ सानै सानै। नाथाय! सोरगिदि माथो खोमसिसो? सोरांखौबो जेरावबो नुनो मोना दुखु दाहा सहायनानैब्लाबो, सोरांनि लामाखौ नायगिरिबायदों आं। मा एसे गोसोथाव..... सोरजिगिरि नौनि सोरजिनायलाय, आंखौ मानो नायहरदिया गोजोन गैयै बे जिउआव, बैथा गैयै जिउनि दिडाखौ, जावलांगासिनो दं आं।

मुस्त्रि फैलाव बसुमतारि गामि- हुलमागाव ला:सो:- सट'निलिबारि

दाबो मोजां मोनो

नौंखौ आं दाबो मोजां मोनो प्राण गावनि गिबि आरो जोबथा साननानै। नाथाय नौंसो.....? नौं मानो दासिमबो बुजिनो रोड, गोसो सिंनि रावखौ गोबां बाथ्रा बुंनंगौ दं आंहा नौनि सिगाडव। नाथाय नौं मानो खोनासंनो बायो? मोजां मोन्नायखौ नौनो बेखेवप्रोदोंमोन नागारनायखौबो नौनो बेखेव सिगोन नामा? नौनि फावआनो मिथिहोबाय आंखौ नौदि आंखौ नागारबाय होन्नानै दान्दिसेनि थाखायल'ब्लालाय मानो मोजां मोनामोन नौं आंखौ? सान्दों नामा नौं लाभ आ टायेम पास होन्ना? गुबुननि थाखाय बियो थैजासिमनिसो। नौनि मुडनो आंनि जिउ (प्राण) जाय जिउ गैयाब्ला आं थाना थानो हाया मानोना प्राणनि सोदोबथियानो जिउ।

मिस दैखो राणी ब्रह्म गामि- सा सुकानिपारा ला:सो:- खाग्राबारि, जिला- चिरां, बि टि सि (आसाम)

मोदैनि बाना

दुखु दाहायासो साग्लोबजोबदों सुबुंनि समायना मुलुग संसारखौ, अन्जिमा गैयै थैनि बोहैनाय, नायहर हनै सुबुंनि रेरुब बिखानिफ्राय। बयबो जोजबनानै लादों हेव साननायखौ फोजोबनो सानदों संसारनि गोजोनखौ, अनलायनायबो गैलिया, सानलायनायबो गैलिया गोमा लांनो हमबाय गोजोननि बेन्दोंआ। सुखु गोजोन गासैबो, बे संसाराव..... सोलायजोबबाय दुखुनि बेन्दोंयाव, बयनिबो मेगनाव मोदैनि बानायल' ज्रय-ज्रय बोहैनो लागै बाहा लादों। सुबुंनि जिउनि गोजोननि जुजि लायनायाव, खोमसियासो देरहासाद जानो हादों। गोजौ अखोरनि अखाफोरनि साथिनायखौ, गोसोम जोमैआसो जोख्लोबनानै लानो हादों। बयबो दुखुखौ हमदांनो हायो, नाथाय! गोजोननि बेन्दोंखौ, लाबोनो नाजानायाव दुखुनि मोदैआ, लोगोयाव एसे सिथाबना फैयो।

मुस्त्रि फैलाव बसुमतारि ला:सो:- सट'निलिबारि

जाबाय आं दुथामि

आंनि जिउनि हाहाहोगिरि अनजालु आन्जालि, बिफा बिमाफोर गावसोरनि गोसो गोबोंआव हाजासे, गोथार मिजिं लानानै दोनहरदोंमोन, दिदै आंखौ टावन-सहराव, स्कुल, कलेज फरायनो। बुरलु बुरला खालामनानै गावसोरनि बिखानि थैखौ दै खालामनानै, हरदोंमोन रोजा रोजा रं गावनि फिसानि नांगौ बादिदै। नाथाय दिदै मोनथिया हसिया, सह'रनि गुदुं बारजों बारफानानै गावनि सान्नाय हनायखौ सोलायबाय, बिफा-बिमानि मान-इजोदरखौ बावगारबाय। लिरनाय-फरायनायआबो जाबाय लैथोनि दै दाहारआव गोजावनाय खोमस्लिफानफोरा बायदि थांखि गैयै। सानप्रोमबो सह'रनि ग'लायावल', जौ, सिगारेट आरो थांखु सोबै-सोबै समखौ आं बारहोदोंमोन। गावनि जौमोननि हाबिलासखौ सानहरनो सम आरो बोथोरआवो गैला आंहा, खालिबोल' नांगौ-नांगौ-नांगौ जौ, जुवा आरो सिगारेट। गिनाय, लाजिनायआबो गोमा जोबबाय, लामा सामा सिख्ला सासेबो बारग'लिया.... हाय! आं मादि मावफोनांखो.... थारैनो जाबाय आंबो सासे दुथामि।

मुस्त्रि प्रफुल्ल नाजारी कक्राझार कलेज ला:सो:- दतमा

सिमांनि रानि

लोगो मोनजेनदोंमोन आं नौंखौ सोरगोनि सिमांफुरि राइजोयाव, मोजां मोन्दोंमोन आं नौनि सिमांनि रानि महरखौ। नाथाय नौं मानो आंजों मोकथांआव नुजाफैया? नौं मानो मोकथांनि रानि जानानै नुजाफैया? खालि सिमांआवल' सिमांनि रानि महरै नुजाफैयो नौं आंनि सिगाडव। लादोंमोन आं नौंखौनो मोकथांआव जिउनि रानि, नाथाय नौं आंखौ मानो सिमाडव जावलिआ खालामबाय थायो? आदि नौंखौनो सिमांनि रानिब्लाबो बै सिमांफुरि राइजोयाव आलो गोजोनै थानो सान्दों।

मुस्त्रि जांगिला ब्रह्म ला:सो:- बनरगाव, जिला- कक्राझार, बि टि सि (आसाम)

खौसे गोसो

बेसे गोदै बेसे गोजोन दिदैनि समा। थागोन जौं दिदै खौसे गोसोयै सिबि लांगोन जौं सुबुं समाजखौ। फुंबिलिनि जारां साना-आलो गोजोन आंखारबोगौ मिनिस्तु जानानै, सैथोनि गोजोन लामाखौ संदाननानै खोमसिखौ सोरां खालामनो होन्नानै। मिजिं जौनि हारिसु सिबिलांनयनि, बुहुमाव मोनसे माहारि सिनायथि होलांनयनि। हिन्दु, मुसलिम, शिक, खूष्टान थागोन जौं खौसे गोसोयै, गोसो जौनि प्रशान्त लैथोमा बायदि साननाया जौनि हिमालय हाजो बायदि, जाति धोराम रावखौबो नेवसिनो हाया जौं थागोन जौं खौसे गोसोयै।

- थियका ब्रह्म ला:सो:- कक्राझार

इन्टारपलआ गिबि सिलभार नटिस फोसावदों

गोदान दिल्ली, 11 जानेवारि: इन्टारपलआ सिमना बारनाने दोनखोमानाय आइन बेरेखा सम्पतिफोरखौ मिथिनो थाखाय बान्जायजाथाव बिथांखिन गेजेरजों गावनि गिबि सिलभार नटिस फोसावो। भारतआबो बे बिथांखियाव बाहागो दड। इन्टारपलआ मोनसे बिबुंधियाव बुहोदि, बिसोर इटालीनि आर'ज गाबनायाव गिबि सिलभार नटिसखौ फोसावो, जेव सासे माफियानि सम्पतिनि सोमोन्दे खौरं बियो। सिलभार नटिसजों भारतआ बे दायनिगिरिफोरनि सम्पतिफोरनि सोमोन्दे मिथिनाय मदद मोनगोन। मख'नो गोनांदि, जो फालांगिरि भिजय माल्या आरो हिरा फालांगिरि निरभ मदिजों लोगोसे भारतआव खमैबो सा 10 खारखोमानाय रांखास्थियारि दायनिगिरिफोर दड। भारतनि रांखास्थि दायनिगिरिफोरनि गुबुन हादरआव दोनखोमानाय गोसोम धोननि अन्जिमाखौ जेबो दानो हाया। इन्टारपलआ बुंदों, बिसोर



इटालीनि आर'ज गाबनायाव गिबि सिलभार नटिसखौ फोसावो, जेव सासे माफियानि सम्पतिनि सोमोन्दे खौरं बिनाय जादों। बे बिथांखिआव भारतजों लोगोसे सा 52 सोद्रोमाफोय बाहागो दड। आथिखालाव इन्टारपलनियाव मोन 8 रोखोमनि गाब थानाय नटिसफोर दड, जाय बबेबा सोद्रोमा हादरनो मुलुगनाडै जर'खा खौरं मोन्यायनि मोन्थाय होयो। रेड नटिसआ बबेबा हादरनो गुबुन हादरआव खारलांग्राफोरखौ जिम्मायाव लानो थाखाय आर'ज गाबनायनि गनायथि होयो। बे बिथांखिन गेजेरजों

मोन 500 नटिसफोर बिनो हागोन, जायखौ सोद्रोमायारि हादरफोरनि गेजेराव समाने बोखावनाय जागोन। बबेबा हादरनि गेजेरजों जाय सुबुंफोरनि सोमोन्दे खौरं बिदों, इन्टारपलआ बिसोरनि सोमोन्दे खौरं फोसावनाय नडा। बेबादिनो गुबुन गुबुन हादरफोरा मुलुगनाडै खौरंनि थाखाय आर'ज गाबनो हागोन। बेखौ दर 52 हादरफोरखौ सोफानाने मोनसे खोलोबनि गेजेरजों जागायदों, जाय खमैबो 2025 नि नभेम्बर दानसिम सोलिगोन।

वाशिंठन, 11 जानेवारि: भेनेजुएलायाव बिसायख'थि खुनार्यनि 6 दान उनाव निकलास मादुर'आ शुक्रबारय लान्थियै थामथि खेब हादतगिरि मासिनि समायखिरा लायो। बिथानि समायखिरा लानाय हाबाफारियाव क्युबा, निकारागुआनि हादतगिरिआबो बाहागो लायो। मादुर'आ 2013 माइथायनिफ्राय हादतगिरि बिबानाव दड। फारसेथिं बे समावनो आमेरिकाया बिथांखौ हनयानि थाखाय फोसावनाय बान्थानि रांखास्थिखौ बांसिन फोसावो। आमेरिकाया मादुर'खौ हनयायव मदत खालामग्रानो 2.5 कौटि डलारनि बान्था फोसावदों। अदेबानि बान्थाया सिगाडव 1.5 कौटि डलारमोन, जायखौ 2.5 कौटि डलार होन्ना फोसावबाय। बेनि अनगयै भेनेजुएलानि नख'र मन्थि डिअस्टाड' कैबेलनि थाखाय 2.5 कौटि आरो रैखाथि मन्थि ब्लादिमिर पेडिनरनि थाखाय



1.5 कौटि डलार बान्था गुबुन सा 8 बिबानगिरिफोरनि फोसावदों। सरकारि थाव हेथायैबो गोदान होबथानाय कम्पानी पिडिभिएसए हेक्टर जाबसिनो। आमेरिकाया 2020 अन्नेगाननि गाहाइजों लोगोसे आव मादुर'आरो गुबुन सुबुंखौ

फेग्रा मुवा, गेनाखान्थिनि दाय आरो गुबुन दायफोराव दायनिगिरि फोसावदोंमोन। अदेबानि मादुर'आ गावनि

सायाव दाय जाबसिनायखौ नेवसिगारदों। भेनेजुएलानि इलेक्सन कमिसन आरो हाइ कर्टआ मादुर'खौ बिसायख'थियाव देरहासाद जाबाय होन्ना फोसावना होबाय। अदेबानि बिथानि देरहानाय अन्जिमाखौ गुवारै फोसावनाय जायाखैमोन। नाथाय बेरेखा दोलोआ गावसोरखौ देरहादों होन्ना बुंदों। बेरेखा दोलोनि बिजाथि पडमन्ड गंजालेजखौ आमेरिकाजों लोगोसे गोबां हादत'फोरा सायख' जानाय हादतगिरि होन्ना गनायथिदों।

लस एन्जेलिसनि अर खामनायाव 10,000 नि बांसिन बिल्डिंगफोरा सेवहांगार जाबाय

लस एन्जेलिस, 11 जानेवारि: आमेरिकानि नैथि देरसिन सहर लस एन्जेलिसनि साखाथिनि हाग्राआव थानाय मंगलबारखालि फुडव नांजेनाय अरआ गोसारलांगसिनो। लान्थियै सान 4 सिमआव बे अरआ फेसननि जौखलाबनाय लस एन्जेलिस सहरनि गिदिर बाहागोआव गोसारबाय, जेव 10,000 नि बांसिन बिल्डिंगफोरा हाथ'फला जाबाय। लुखोमोरनो गोखों नाजासेयावबो अरखौ सामलायनो हनाय जायखै आरो बेयाव सा 11 सुबुंफोरनि जिड गोमाबाय। बेराफारसे 1,00,000 नि बांसिन सुबुंफोरा न'-बां नागराना रैखाथि गोनां जायगायाव खाराना थहेनादों। अरनि गोसारलांनयखौ नोजोर होना 2 लाख गुबुन सुबुंफोरखौ रैखाथि जायगायाव थहेनायनि बिथोन होनाय जादों। बे समाव ओन्सोलाव बारगासिनो थानाय गोखों बार आरो गोरान बोथोरनि जाउनाव अरखौ लुखोमोरनो नाजानाय फेलें जागासिनो। पेंसिफिक पेलिसे डसनफ्राय फिसा अरखिजों नांजेनाय बे अरआ सावथुन मुलुगनि मुंदांखा हलिउड हाजोफोरावबो गोसारलांनो हमदों, जायखौ



होबथानायव गोखों नाजानायनि गेजेरजों जाफुंसार जानो हाबाय। नाथाय गुबुन ओन्सोलाफोरा गोखोडे बारनाय बारआ अरखौ गोसारलां होदों, जेव 36,000 एकडनि गुवारसिन हा बाहागोआव अरआ तान्डब दिन्थदों। हादरगिरि ज बाइडेनआ बे अर खामनायखौ गिदिर खेफोद होन्ना बुंदों आरो सरकारआ 180 सानआव रैखाथिनि 100 जौखोन्दो राहाफोरखौ आबुं खालामग्रोनो होन्नाबो बुडे।

आसामनि दिपर बिलोआव मोन 105 फोलेरफोरनि दावफोरौ सिनायथिनो मोन्नाय जादों

गुवाहाटी, 11 जानेवारि : आसामनि दिपर बिलोआव बावैसो सिगां दावफोरखौ सान्ना 105 फोलेरफोरनि गासै मा 12,245 दावफोरखौ सान्ना 105 दिहुनो हनाय जादों। बे दावफोरनि अन्जिमा सान्नायखौ गुवाहाटी हाग्रा जिब-जुनात बिफाननि गेजेरजों सान्दोंमोन, जेव ओन्सोलनि दावफोरनि फोरमानथि खालामनो थाखाय बे सार्भेखौ खुंनय जादोंमोन। बे हाबाफारियाव जर'खागिरिफोर, फरायसाफोर, सरकारि नडै आफदाफोर आरो हाग्रा बिफाननि बिबानगिरिफोरा बाहागो लादों,



जेराव मुंदांखा दाव बिगियानगिरि, ७ अनभरुदिन चौधुरीआ जर'खायै नुजाथिदों। थानाय बोसोरनि रुजुनायाव बे बोसोराव दाव फोलेरफोरनि अन्जिमायाव बांनय नुनो

समसिमाव बांसिन गुबुन हादतयारि दावफोरा थांजोब्यायमोन। मख'नो गोनांदि, दिपर बिलोआ मोनसे गोदें दैनि बिलो आरो बेयाव दावफोरनि थावुलि दड, जाय बुलुंथुथुनि मोनसे सान्जा चेनेलनि बाहागो। रिभार एसआ आसामनि मोनसेल' रामसर साइट, जायखौ 2002 माइथायाव जौगाखां जिब थागिबि आरो दैनि जिबि महरै मुं थिसन्दोंमोन। बे दिपर बिलोआ गुवाहाटी सहरनिफ्राय गासै 13 किल'मिटर खोला सोनाबहा दं।

ट्राम्प आरो पुतिनआ थाबैनो लोगो हमलायसिगोन

वाशिंठन, 11 जानेवारि: रासियानि राष्ट्रपति भवन क्रे मलिनआ थानाय शुक्रबारखालि बुडेदि, बिसोरनि हादतआ हादतगिरि ब्लादिमीर पुतिन आरो आमेरिकानि गोदाने सायख'जानाय हादतगिरि डनाल्ड ट्राम्पनि गेजेराव जथुमा खालामनो थाखाय थियायि जादों। बे सावरायनायनि सोमोन्दे फेगौ 20 जानेवारीयाव ट्राम्पनि समायखिरा लानायनि उनावनो थांखि लानो हागौ। बेनि सिगां ट्राम्पआ बुडेदि, बिथाडा पुतिनजों लोगोसे लोगो हमनायनि बिथांखि लागासिनो दड। नाथाय



बिथाडा सावरायनायनि थाखाय जेबो सम सिमना फोसमायखै। बे सावरायनायजों 2022 नि फेब्रुवारीनिफ्राय सोलिबोबाय थानाय रासिया-इउक्रे न दावहानि सोलोखास्थियारि राहा ओंखारनो हागौ। खौरं एजेन्सि रायटरनि बायदिल्ला, बाइडेन

खुंथाया रासियानि थाव आरो गेसनि मोन 200 निखुइ बांसिन कम्पानीफोर आरो सुबुंफोरनि सायाव होबथानाय जाबसिन्ना होदों, जायजों रासियाआ दानफोमबो गोबां आरब डलार खहा जागोन। बाइडेन खुंथाया रासियानि

सायाव आमेरिकानि होबथानायखौ सिफायनायनि थाखाय मोन्ने भारतआरि कम्पानीफोर स्काइहाट मेनेजमेन्ट सार्भिसेज आरो एभिएशन मेनेजमेन्ट सार्भिसेजनि सायावबो होबथानाय जाबसिन्ना होदों। बेराफारसे इउक्रेनआ रासियानि बेंखनाव थानाय डनेस्कयाव गंसे सुपारमाके'टखौ मिसाइलजों नोजोर होदों। बे गागलोबनायाव साने नोगोरारिफोरनि जिड गोमायो आरो साने गुबुनफोरा जोखोम जायो। रासियानि बे दाय जाबसिन्नायखौ लानाने इउक्रेननि फारसेनिफ्राय जेबो बिबुंधि होयाखै। इन्टरनेट मिडियाआव फोसावनाय सावगारियाव सिलिंखार जानाय बिल्डिंगनि लांगोनायाव बायखोन्दा थुखारफोरजों बुंफबनाय आरो गंसे कारखौ खामनाय नुनो मोन्दों।

ससेल मिडियाआव बिजेपिखौ बांसावनायनि सासे आइजोखौ हमदों



इम्फल, 11 जानेवारि: मनिपुर पुलिसआ बिजेपिखौ बदनाम खालामनाय आरो ससेल मिडियाआव नंखाय फोसावदिनायनि दयाव सासे 44 बोसोरनि आइजोखौ पुलिसआ हमदों। बेनि उनाव सरासन्सा सुबुंफोरखौ गोसारदिनाय खौरंफोरखौ फोथायै आरो नंखाय भिडिअफोरनिफ्राय सांग्रां जानाने थानो खावलायो। मनिपुरनि

गिबि मन्थि एन बिरेन सिंआबो सुबुंफोरखौ जायखि-जाया खौरं गोसारनायफोरखौ आरो नंखायै फान्दायना खौरं होनायपोरखौ फोथायनो नाडा होन्ना नै खावलायदों, जायफोरा रजखास्थियारि महरै राइन्जोआव आरोबाव गोजोन गैथै लाबोनो हागौ। हमजानाय आइजोखौ सपना देबि होन्ना नै मिथिनो मोन्दों। बियो सोनाब इम्फल जिल्लानि नाउरेम थं शमशां

लेरेम्बी लिरकनि थागिबि। बिजेपि आरो मनिपुरनि बुंधिगिरि मयांलम्बम सुरेश कुमारआ थानाय 7 जानेवारिआव पुलिसनो अजद थिसन्दोंमोन, जायनि उनाव आइजोखौ हमो। अजद होग्राया दाय जाबसिन्नाय बादिब्ला, सपना देबिआ फेसबुकआव मोनसे भिडिअ आपलड खालामदोंमोन, जेव बियो सुरेश कुमार आरो बिजेपिखौ जंखायनाय फेस्तायैनो बदनाम खालामदोंमोन। हमजानाय आइजोआ बुंदों, बिजेपिनि बुंधिगिरिआ ससेल मिडियाआव आइजोफोरनि पासे अपमान गोनां बाथा बुंनयखौ नुना बियो जोबोद रागा जोंदोंमोन। बेनिखायनो फिनजाथाय होना नै भिडिअ आपलड होदों। अदेबानि आइजोखौ कर्टआ जामिनाव हगारो आरो पुलिसआ नायबिजिनो जागायो।

रोजा-रोजा कम्पानीनि मावसुमाफोरा 2025 आव साखि खोमानांनो हागौ: रिपर्ट

गोदान दिल्ली, 11 जानेवारि : बिगियान आरो गोखोआ जौगानायजों लोगोसे सोलिफु 2025 बोसोर एआइनि दोहौ गोनां जानो हागौ आरो बेनि जाहोनाव गोबां अन्जिमायाव साखिफोरा खम जानो हागौ। सिगांआव करना इन्फेक्सनि जाहोनाव मुलुगनाडै रांखाथि बेब'स्थानि सायाव गोबां गात्रि गोहोम गोग्लेदों, जाय दासिमबो आबुडै रिकभार जायाखै। आमेरिकाआव एमाजन, बई आरो स्परिट एयारलाइन्सफोर बायदि गाहाइ कम्पानीफोरा मावसुमाफोरखौ



खमायनो फोसावदों, जाय 2025 नि सोलिफु बोसोराव सोलिनि हागौ। मोनसे रिपर्टनि बायदिल्ला, आमेरिकायाव

बोसोरा 2024 आव टेक्'लजि एयारलाइन्स आरो खुदराजों लोगोसे माखासे उद्यगआ मावसुमाफोरनि अन्जिमा खम खालामनाय गोहोम गोनां जादों। सेलेन्डार, ग्रे एन्ड क्रिसमास इंकनि मोनसे रिपर्टनि बायदिल्ला, नभेम्बर 2024 आव 57,727 साखिफोरखौ खम खालामनाय एबा परस्टखौ बोखारना होनाय जादों, जाय अक्टबरनि रुजुनायाव 3.8

आफगानिस्तानआव 24 घन्टानि गेजेराव खेबनै बांग्रि मावलांदों

काबुल, 11 जानेवारि: आफगानिस्तानआव 4.2 गोखोंथिनि बांग्रि मावदों। नेसेनेल सेन्टर अफ सिस्मलजीआ फोरमायनाय बादिब्ला, आफगानिस्तानआव 4.2 गोखोंथिनि बांग्रि फैदों। एनसिएसनि बादिब्ला, बे बांग्रिआ सा आफगानिस्तानआव आइएसटिआव फुंनि 05.05 रिगायाव मावदों। नेसेनेल सेन्टर अफ सिस्मलजीनि बादिब्ला, 4.2 गोखोंथिनि बांग्रिआ 10 कि:मि:नि गोथौआव मावदों। बेखौ बांसिनै 37.33 एन आरो देशान्तर 74.62 इआव दैखानो मोन्नाय जादों। मख'नो गोनांदि, सा आफगानिस्तानआ मिथिगायारि अलखदजों भुगिनांग्रा मोनसे हाजोयारि ओन्सोल। सुलुंनि बादिब्ला, बे बांग्रिआ आफगानिस्ताननि माखासे ओन्सोलफोर आरो नोगोरारिफोरखौ गोहोम खोखेदेंदों। इन्टरनेसनेल फेडरेसन अफ रेड क्रस आरो रेड क्रिसेन्टनि बादिब्ला, आफगानिस्तानआ मुलुगनि बयनिखुइ बांसिन आबहावा सांग्रांथि हादरफोरनि गेजेराव दरसे। नूट्रे डेम रलबेल एडप्टेसन इन्डेक्सनि बादिब्ला, आफगानिस्तानआ सांग्रांथि बिथिडव 24 थि थाखोआव दड।



सुलुंनि बादिब्ला, थानाय 3 बोसोरफोरव 2023 नि अक्टबरआव हेरातआव 6.3 गोखोंथिनि बांग्रिजों लोगोसे गासै 400 खेब बांग्रि मावदों। थानाय बोसोरनि अक्टबर दानआव अलखदनि थाखाय हारिमायारि सानआव आफगानिस्तानआव इउएन हेफाजाब होग्रा मिसनआ आफगानिस्ताननि थाखाय बांसिनै हारिमायारि मदद होनो फोसावदोंमोन।

ल्लासाआव थानाय 75 बोसोराव खेब 20 निखुइ बांसिन बांग्रि मावदों

बेइजिं, 11 जानेवारि :माखासे सान सिगां तिब्वतआव फैनय बांग्रिजों खमैबो सा 126 सुबुंफोरनि जिड गोमाबाय। अदेबानि, चीनिन बांग्रि नेटवर्क मिरु (सिइएनसि) आ मोनसे रिपर्ट फोसावदों, जेव मिबथि होनाय जायोदि, थानाय 75 बोसोराव 6.0 रिक्टर गोखैथिनिखुइ बांसिन खेब 20 निबो बांसिन बांग्रिया ल्लासा ब्लकआव मावदों आरो बे सप्ताहनि बांग्रिनि मिरुआ खोला तिब्वतआव मावदोंमोन। सिइएनसिनि बायदिल्ला, मंगलबारनि बांग्रिया भारत लैथोमानि प्लेटनि साहा फारसे आरो हेकनिक प्लेटफोरनि प्रटकल एक्सनिनि जाहोनाव फैदोंमोन। जायगानि बिबानगिरिफोरनि बायदिल्ला, गासै सा 126 सुबुंफोरा जिड गोमाबाय आरो सा 188 गुबुन सुबुंफोरा जोखोम जादों।



सिइएनसिआ बुडेदि, 1950 नि उननिफ्राय ल्लासा ब्लकआव 6 रिक्टर गोखैथिनिखुइ बांसिन खेब 21 बो बांग्रि फैदों, जायनि मेक्सिमम गोखैथिया 6.9 मोन।

बोसोरफ्रोमबो 50-60 रोजा रां बाहायनानै बिजाब दिहुन्नाय जायो, नाथाय फरायगिरिफोर गैया : लक्ष्मिनाथ ब्रह्म

बासुगाव, 11 जानुवारी: 'बोसोरफ्रोमबो गावनि दोन्धुमनाय 50-60 रोजा रां बाहायनानै बिजाब दिहुन्नाय जायो, नाथाय फरायगिरिफोर गैया। आथिखालाव बिजाब फरायनायनि सोलायै मबाइल फनआव मुखुब थायो गोदान जोलैनि अनगायैबो माखासे गागि सुबुंफोराबो।' -बेबायदि बिबुंथिखौ खुंदिखांनाय फोरमायनानै सासे मुंदांखा थुनलाइगिरि, समाज सिबियारि, बारग' गेलिगिरि, बारग' रेफारि आरौ बासुगाव गोजौसिन गेजेरारि फरायसालिनि आजिरा मोन्याय गोरयुं लक्ष्मिनाथ ब्रह्मआ होदों। मख'नो गोनांदि, लक्ष्मिनाथ ब्रह्मआ 2019 माइथायब बर' रवनि "सल' बाथा खोनासं दे" गथ'सा थुनलाइयाव साहित्य एकाडेमि बान्था मोन्दोंमोन। कक्राझार जिल्ला सालाकाटि उफ्रा पुलिस बादानि सिडाव थानाय हरिगावनि थागिरि लक्ष्मिनाथ ब्रह्मआ बेनि अनगायैबो से मिनिटिन सल, हारकद्रिप, रेगे-रेगां सल' बाथा, जखायसे रंगिना-संगिना सल' बाथा,



बाथा फांथे जलंगा, लकेल जेगाब गाल्गाब, श्री श्री मनसा बिश्वहरि, खुदिया खन्थाइ माला, गोमोथाव गोमोथाव सल', सल' बाथा जलंगा, गेदेमा सुबुंनि निति बोसोन राव बिहुं, खुदिया सल' थेर बिदां, माखासे देब देबिनि सल', आं नोंखौ मोजां मोनो रजे, आंनि रोमै-रोमै गोदै गोदै गोसोखांथि, आंनि राइथाय माला बायदि बर'

रावनि अनगायैबो असमीया रावआव उल्था खर' मुंनि रिमारिक खन्थाइ बिजाबखौ सुजुना दिहुनखांबाय। लिंरगिरि-थुनलाइगिरि लक्ष्मिनाथ ब्रह्मआ 1952 माइथायनि 1 सेप्टेम्बरआव हरिगावआव बिफा रंसारि पुकन चन्द्र ब्रह्म आरौ बिमा रंसारि पेदाब बाला ब्रह्मनि गोर्बांआव जोनोम मोन्नांनै गावनि गाभियावको गुदि

फरायसालियाव सोलेंथाय लादोंमोन। 1960 माइथायनिफ्राय बासुगाव गोजौसिन गेजेरारि फरायसालि, 1967-69 माइथायव कक्राझार फरायसालिमा, 1986 माइथायव कक्राझार पिजिटि फरायसालिमा आरौ बिप, बिटि डिग्री लादों। 1971 माइथायव बासुगाव गोजौसिन गेजेरारि फरायसालियाव फोरोंगिरि महै

साखियाव हाबनानै 1999 माइथायनिफ्राय 2012 माइथायसिम फरायसालिनि गोरायुं महैरै खामानि मावदोंमोन। 1997-1999 माइथायसिम कक्राझार जिल्ला बर' थुनलाइ आफादनि आफादगिरि, 1996 माइथायव बर' हारियारि दाडाबाजिखौ होबथानो थाखाय बर' थुनलाइ आफादनि गेजेरारि दाजानाय बर' नेसनेल पिस एन्ड कडिनेशन कर्मिटिनि सोद्रोम, 2002 आरौ 2006 माइथायव दाजानाय बर' थुनलाइ आफादनि कनस्टिसन रिभिड साब कर्मिटिनि आफादगिरि, 2008-11 माइथायनिफ्राय बर' थुनलाइ आफादनि मावफुं आफादनि क अडिनेट सोद्रोमा महैरै बिथांखौ सायख'नाय जादोंमोन। दिने 73 बोसोर बारलानायनि उनावबो लांथिथै थुनलाइ सावरायनाय आरौ समाजआरि खामानियाव नांथाबनानै थानाय लक्ष्मिनाथ ब्रह्मनि मोजां देहा आरौ गोलाव जिउनि थाखाय ओन्सोलनि राइजो-राजाफोरा आर'ज गाबो। □

गोबाव समसिम सेंग्रायै थानायनि माखासे राहाफोर

आथिखालिनि समाव नेमखान्थि गैयै बायदि आदार जानायनि थाखाय बांसिन लाइमोनफोरा थाबेनो बोराय जानो गोनां बेमारफोरजों जुजिनाडे। बैसो जाया बालानो खानाय मोन्याय, लोरबां जानाय थाबेनो मॅनाय, जरा जरा सानाय-सुनाय जानाय, आरौ मेमनिनुथाय लोरबां जानाय बेफोरबायदि बेमारआ गासैबो बोराय बैसोआव जानो गोनां जिंगा। बे जॅनाफोरनिफ्राय रैखा मोन्तो थाखाय सानफ्रोमबो आमलायनि बिदै गाइखेरनि धि, बेरेमोदै आरौ मिश्रि, बे मोनब्रेखौ 15-15 ग्रामनि बिबांआव लागाय नांगौ



आरौ सानफ्रोमबो फुंनि समाव उदै खालिआव बे गलाय-मोन्देर बिदैखौ लॉनांगौ। बेनि उनाव नै घन्टासिम जेबो जाया बालानो थानांगौ। नेम बादियै बेखौ लॉबाय थायोब्ला माखासे रोखोमनि बेमारफोरा जानगार जायो। बे बिदैआ बोराय जानायखौ जानगार खालामो। बेनि अनगायैबो सानफ्रोमबो डालिमनि बिदै लोडोब्ला बोराय बैसोनि बेरामखौ जानगार खालामो आरौ सेंग्रायैनो थाबाय थायो। डालिमआ थैनि खम जानायखौ जानगार खालामनायवबो हेफाजाब होयो। □

(□ 1 बिलाइनिफ्राय)

(□ 1 बिलाइनिफ्राय)

गुन गोनां सोलेंथाइनि जांखिथाइखौ बिथा खालामनानै फेगौ इं 2025 माइथायनि मेट्रिक

लोगोसे मेलनि सायाव इउ एन बि बड' मेम 'रियेल गोजौसिन गेजेरारि फरायसालिनि लोगो गाहाइ फोरोंगिरि आरौ जनाइ गुदि बर' थुनलाइ आफादनि आफादगिरि चमपाल नाजौरि बिथाइ गिबि बिबुंथिनि गेजेरारि फरायफुनाय समाव समखौ नोजोर होनानै फरायनांगोन आरौ गेदेमा सुबुंफोरनि खोथाखौ मानिनानै सोलिलानो थाखाय गोबां मेहेर गोनां बिबुंथि लाखियो। मेलआवनो गाहाइ आलासि महैरै धेमाजि जिल्ला एबसुनि गाहाइ नेहाथारि अजय खाख्खारि बिथाइ बाहागो लानानै फरायसाफोरखौ गुन गोनां सोलेंथाइनि सायाव आरौ थांखि नोजोर, इउनाव सोर मा जानायनि सिमां नुदों बियो माबायदि लाइजो फरायब्ला जाफुंसारगोन बेनि सायाव गुवारे बिबुंथि लाखियो। बिनि उनाव बाहागो लानो हाबावनाय धेमाजि जिल्ला एबसुनि सासे नेहाथारि मनराम मुसाहारि बिथाइ बुडोदि, फरायनाय समाव थांखि लादोंब्ला आं साखि लागोन होनानैसो फरायनो नांगोन फरायनायनि मुडव लेखा बोदलानानै नायबाल' जाया जेसे हागौ गोब्राब नाजायोब्लासो नों मेट्रिक आन्जादआव मोजां उंथिनो हागोन, सोलेंथाइ लानाय समाव बांदाय बेरायनाय हुदाखौ गारनो नांगोन आरौ उन्दुनायखौ खम खालामनो फरायसाफोरखौ खावलायदों। मेलआवनो जनाइ हालामारि फरायसालिमाफि फरायसा आरौ इउ एन बि बड' मेम 'रियेल गोजौसिन गेजेरारि फरायसालिनि फरायसाफोरखौ लानानै दख 'रानि दैदनेगिरि बिथांमोना बाहागो लानानै मेलखौ जाफुंसार जाहोयो। □

लाइफ इन्सुरेन्स एजेन्ट एससिएसननि कक्राझार दालाइनि गोदान आफाद दादों

प्रहलाद बसुमतारिनि आफादगिरि मासि सामलायनायव खुंनाय मेलव आगुनि आफादखौ सिमफायनानै गोदान आफादखौ दानाय जायो। गागि एजेन्ट डेबेन्द्र मुसाहारिखौ आफादगिरि, पुलक कुमार शाह आरौ अरुप कुमार रायखौ लेखइ आफादगिरि, सजल बिन्धु सरकारखौ नेहाथारि, उमेश नाथखौ लोगो नेहाथारि, रतन कुमार शाहखौ रंगिरि, राजु पालखौ आफादआरि नेहाथारि महैरै लाना कक्राझार इउनिट लाइफ इन्सुरेन्स एजेन्ट एससिएसननि गाहाइ गोदान आफादखौ दानाय जायो। कक्राझार जिल्लानि महाशक्ति स्पटि क्लाबाव खुंनाय हाबाफारिखौ आगुनि गोबाव साननि नेहाथारि भिम बाहादुर सेत्रिआ सामलायदों। □

उदालगुरि जिल्लायव 2024 माइथायव 1 रोजानिखुय बांसिन सुबुंफोरा जाब्रबथाय जादों

डिसेम्बरसिमाव लामा जाब्रबथायव सा 1156 सुबुंफोरखौ मृत्युन्जय 108 एम्बुलेन्सआ सिबिथाय होनानै देहा फाहामसालिसिम लॉनाय जादों। बेयो मृत्युन्जय 108 एम्बुलेन्सनि 'सिबिथाय होनाय फोरमान। बेनि अनगायैबो बे 108 सिबिथाय लायै जाब्रबथायनि अन्जिमाया बांसिन जानायनि मिजिं डड। मख'नो गोनांदि, थानाय बोसोरनि जानुवारी दानाव सा 101, फेब्रुवारी दानाव सा 120, मार्च दानाव सा 117, एप्रिल 102, मे दानाव सा 99, जुन दानाव सा 76, जुलाइ दानाव सा 66, आगस्त दानाव सा 73, सेप्टेम्बर दानाव सा 90, अक्टोबर दानाव सा 84, नभेम्बर दानाव सा 106 आरौ खौरं बुधुमनाय समसिमाव डिसेम्बर दानाव सा 122 निफ्राय बांसिन जाब्रबथाय जानाय सुबुंफोरखौ मृत्युन्जय 108 बेसेननाडे सिबिथायजों जाब्रबथाय जानाय जायगानिफ्राय साखाथिनि फाहामसालिसिम आरौ गोजौ फाहामथायनि थाखाय गुवाहाटी आरौ टेजपुर फाहामथाय फरायसालिमा फाहामसालिसिम 108 सिबिथायजों दैथायहरनाय जादों। मख'नो गोनांदि, बांसिनथार जाब्रबथायनि जाहोना जाबय जोबोद जाँ लॉनाय, रंगौंथि गैयै सालायगिरि, सामलायनो हाये गोख्थि, मटर-गारि आइज सिमफायनाय। मख'नो गोनांदि, इरंजी गोदान बोसोरजों लोगोसे शारदीय फोर्बॉनि समाव जाब्रबथायनि अन्जिमाया बांदों। बैसागुनि समावबो रुजुनाय बायदियै जाब्रबथाया बांजे। फोरमायथि बायदियै, 2024 माइथायनि एप्रिल दानाव एबा बैसागुनि समाव सा 102 जाब्रबथाय जानायफोरखौ 108 मृत्युन्जय एम्बुलेन्सआ बेसेननाडे सिबिथाय होदों। बे बिथिडाव आथिखालाव जिल्ला खुंथाया पुलिस, हान्था-मैला आरौ एक्साइज बिफाननि हेफाजाबाव जाब्रबथायखौ होबथानो जिल्लायव गोर्खों राहा आजावनायखौ नुनो मोन्नाय जादों। □

चिरां सत्र बिजिरसालिआ आइजोखौ गावथारनो नाजानाय..

दायनिगिरिखौ चिरां जिल्ला सत्र बिजिरसालिया मैया 10 बोसोरनि स्रम जोबथेसालिनि साजा फोनाडे। 10 बोसोर श्रम जोबथेसालिनि साजा फोनांजानाय दायनिगिरिया जादों चिरां जिल्लानि रुनिखाता पुलिस थानानि सिडाव थानाय दुइगुडां गामिनि थागिरि अजय मुसाहारी (37)। सरकारि उकिल नन्दिता बसुमतारिआ मिथिहोनाय बादिब्ला थानाय 2023 माइथायनि 11 जुनखालि चिरां जिल्लानि भारत-भुटान सिमनानि रुनिखाता पुलिस थानानि सिडाव थानाय दुइगुडां गामियाव अजय मुसाहारी मुंनि दायनिगिरिया गंसे गलानिफ्राय गंसे सिगारेट बाकि नागिरदोंमोन। नाथाय आइजो फालांगिरि आसुति बसुमतारिआ सिगारेटखौ बाकि होया होनानै बुंनयाव सानैनिबो गेजेरारि दान्थे-बिदांथे जायो। दायनिगिरि अजय मुसाहारीआ आखाइजों बानायनाय पिस्टलजों आइजो फालांगिरिनि खर'आव गुलि गावदोंमोन। उनाव गोब्राबै जोखोम जानाय आइजोखौ देहा फाहामसालियाव थिसनहैनायनि जाउनाव खवुनुखुम जिउ रैखा मोन्तो हायो। बे जाथायनि उनाव रुनिखाता पुलिस थानानि बिबानगिरि बिप्लब कुंवरआ दायनिगिरि अजय मुसाहारीखौ हाथियारजों लोगोसे हमनानै 307, 457 आरौ 25 (ए-1) धारनि सिडाव मोनसे गसर थिसनानै काजलगाव सत्र बिजिरसालियाव अजद लाइ गथायहैयो। गासै 18 दान बिजिरनायनि उनाव चिरां जिल्ला सत्र बिजिरगिरि सि चतुर्बेदिनि बिजिरसालिया दायनिगिरि अजय मुसाहारीनो 10 बोसोरनि श्रम जोबथेसालिजों लोगोसे 50 रोजा रनिं जुरिमाना फोनाडे आरौ जुरिमाना होयाब्ला उफ्रायै 1 बोसोरनि श्रम जोबथेसालि साजा फोनाडे। मख'नो गोनांदि, अजय मुसाहारीनि बे नायबिजिरनाय हाबाफारि सोलिनाय समसिम जाभिनि मोन्नांनै गसर थिसनाय भुगिनांनय नख'रखौ गसरखौ बोखानानै लाफिन्तो थाखाय सिगि-सग' खालामनायनि उनाव बिजिरसालिया अजय मुसाहारीखौ 1 बोसोर बिजिरनायनि आवथायाव दोनानै मैया 10 बोसोरनि श्रम जोबथेसालिनि साजा फोनाडे होनानै सरकारि उकिल नन्दिता बसुमतारिआ फोरमायो। □

फातेमाबाद साहा बागाननि ...

फरायसालियाव गोलाव समनिफ्रायनो फोरोंगिरि महैरै नांथाबबोनयनि अनगायैबो बागाननि पिपेफ मावफारिया महैरै खामानि मावगासिनो दंमोन। थैनायनि समाव बिबि, सासे फिसाजो, सानै फिसाजलाजों लोगोसे गोबां गाहाम अन्साइगिरिफोरखौ बे संसारव एंगारलाडे। जितसिं तुतिनि थैनायाव फातेमाबाद साहा बागानजों लोगोसे बासबारि ओन्सोलाव दुखुनि सायखं सारलोबो। जितसिं तुतिनि थैनायाव गोथौ दुखु मोन्नाय फोरमायनानै दिने फातेमाबाज साहा बागाननि मावखुलिनि लांगोनायाव खुंनाय मोनसे मान बाउनाय हाबाफारियाव तुतिनि सावगारियाव न बाउबो फारियै चौधारि टि एन्ड एप्र इन्डस्ट्रिनि सामब्लायगिरि पृथिबि बसुमतारि, फातेमाबाद साहा बागाननि लोगो सामब्लायगिरि शैलेस बसुमतारि, आसाम साहा मावफारिया संघनि सनातन दास, नेहाथारिदिपक दास, आदिबाशि फरायसा आफाद मिरुनि बारग' फोसावदिं नेहाथारि मानसुख सनखारिकाजों लोगोसे गोबां सुबुंफोरा बाहागो लायो। मान बाउनाय हाबाफारियाव जितसिं तुतिनि जिउ आरौ बिहोमानि सायाव हाबाफारियाव बाहागो लानाय आलासिफोर गुवारे फोरमायथियो। □

(□ 1 बिलाइनिफ्राय)

बर' थुनलाइ आफादनि 64 थि बोसोरसालिया..

ः सुस्थ नाजौरिआ थुनलाइ आफादनि फिर्फिलाखौ बिहोनायजों बेखेवना होयो। बे हाबाफारियावनो बर' थुनलाइ आफादनि गोगाथाव 64थि जथुम खुंनाय जायगायाव डिमाकुसि ओन्सोलाव अरायसम मुगानां खालामना लाखिनो अरायथायै लुनाय बर' थुनलाइ आफादनि सिनायथि नेसोंनखौ आसाम आयेन आफादनि बुंथिगिरि बिश्वजित दैमारीआ बेखेवना होयो। दिने शनिबारखालि खुंनाय हाबाफारियाव गाहाइ आलासि महैरै आसामनि गिबि मन्थि ः हिमन्त बिश्व शर्मानि बिमा आरौ आसाम साहित्य सभानि लेखइ आफादगिरि, मुंदांखा थुनलाइगिरि मृनालीनी देबिआ बाहागो लाफेदों। बे हाबाफारियावनो बिथाइ इयुनाव आरौबाव बर' थुनलाइ आफादनि जथुमाव बाहागो लाफेदो हानाय नडाबो जानो हागौ। बेनि थाखाय बर' थुनलाइ आफादनि जथुमाव गिबि खेबनि थाखाय बाहागो लाफेदो मोन्नांनै जोबोद गोजोन्नाय मोन्दांथिदों होना थुनलाइगिरि मृनालीनी देबिआ मख'दों। फारसेथिं बिमाजों लोगोसे बर' थुनलाइ आफादनि दिन्थिफुनायफोरजों लोगोसे सिनायथि नेसोन महैरै बानायनाय बर' नख'रनि न'फोरखौ आसाम आयेन आफादनि बुंथिगिरि बिश्वजित दैमारीआ नायगिदिदों। मख'नो गोनांदि, 64थि बर' थुनलाइ आफादनि जथुमाव सा 9 बर' थुनलाइगिरिफोरखौ गुबुन गुबुन आयदायाव जर'खा बान्था गथायनाय जादों। बर' थुनलाइ आफादआव गार' साहित्य सभानि आफादगिरि जन कैरी चांमा, आसाम साहित्य सभानि नेहाथारि ः उपेन्द्रजित शर्मा, डिमासा साहित्य सभानि आफादगिरि रमेश तावसेन, मिर्सि साहित्य सभानि आफादगिरि समेश्वर पकताकजों लोगोसे दर 14 हादतनि आलासिफोरा बाहागो लाफेदों होना आसाम आयेन आफादनि बुंथिगिरि आरौ बान्जाय आफादनि आफादगिरि बिश्वजित दैमारीआ फोरमायना होदों। बर' हारिनि देरिसिन थुनलाइ-हारिमुनि गुबुन मोनसे आफाद बर' थुनलाइ आफादनि जथुमाव फुंनिफ्रायनो गोसो बोजानाय महाराव खुंजादों। नेपाल, म्यान्मार, भुटान, सोनाब बंग, गोदान दिल्ली आरौ इन्दनेसियानि अनगायैबो सा-सान्जानि माखासे राइज्योनिफ्राय थान्दै आरौ आलासिफोरा बर' थुनलाइ आफादनि जथुमाव बाहागो लाफेदों। गुबुन फारसे गाबोन एबा जोबथा साननि हाबाफारियाव आसामनि गिबि मन्थि ः हिमन्त बिश्व शर्मांआ बाहागो लाफेनायनि मिजिं दड होनानैबो आसाम आयेन आफादनि बुंथिगिरि बिश्वजित दैमारी, बान्जाय आफादनि बिबानगिरिफोरा फोरमायदों। भारतबर्षनि गुबुन गुबुन जायगायाव बर' नडै हारि नडाब्लाबो मोजाडै बर' राव रायज्जानयो रॉनानै गुबुन गुबुन ओन्सोलाव खामानि मावनायनि अनगायैबो मुलुगसोलेंसालियाव फराफारि सोलेंथाय लाबोदों बर' रावआव, बिजाब दिहुन्दों। बिसोरखौबो जथुमाव हांखायनानै सावराय जथुम खुंनानै मान बाउदों। डिमाकुसियाव खुंनाय बर' थुनलाइ आफादनि जथुमाव गुबुन गुबुन हारि-हारिसानि रोजा-रोजा सुबुंफोरा बाहागो लाफेनायखौ लानानै आसाम आयेन आफादनि बुंथिगिरि बिश्वजित दैमारीआ गोजोन्नाय फोरमायदों।

गुबुन फारसे बर' राव, थुनलाइ, हारिमुखौ लानानै जर'खा बिहोमा होबोनाय सुबुंफोर आरौ गुन गोनां फरायसाफोरनो बान्था गथायनाय जादों। बान्था गथायनायफोरनि गेजेराव 1. रंसार थुनलाइयारि बान्था: थरायना सहायमुलि ब्रह्म, दतमा, कक्राझार (खन्थाइ-आदार)। 2. सुमेश्वर थुनलाइ बान्था: गंगाधर रामसियारि, सिलफुखुरि, गुवाहाटी (सुंद' सल- हाग्रामा दालां सेर)। 3. सानजारां लक्षेश्वर ब्रह्म थुनलाइयारि (हारिमु) बान्था: भुपेन दैमारी, मवामारि, गवालपारा मेला, थुनलाइनिमिसि बिहोमा होनायनि थाखाय बर' हारिमु बान्था। 4. हाब्राघाट बान्था: कनक रामसियारि बादुलीपारा, बरमा, बाक्सा (हारिमुसिम बिहोमा होनायनि थाखाय)। 5. सोरबां सुबुं बिहुराम बर' थुनलाइयारि बान्था: रतनेश्वर बसुमतारि, गुवाहाटी, नुनमाति (थुनलाइनिमिसि बिहोमा होनायनि थाखाय)। 6. राजेन्द्र लाल नाजौरि थुनलाइयारि बान्था (थुनलाइ) बान्था (सेथि): बिबुंगिरि सर्नप्रभा सैनारी, गुवाहाटी मुलुगसोलेंसालि। 7. फरायसा थुलुंगाखां बान्था: 2024 मेट्रिक आन्जादाव बर' बिजॉनि बर' आयदायाव 100 जौखोन्दो नाम्बार मोन्नाय थरायना दैजिरि बसुमतारि, देवगिराव, रौता उदालगुरि आरौ बिर्फुं गयारि, बल्लामगुरि, गसाइगाव। 8. सुबुं थान्दै मुख्दों बिनेश्वर ब्रह्म मावरिया हावगिरि फरायसा थुलुंगाखां बान्था 2024: बिदां मुसाहारि, कुसुगाव कक्राझार। 9. हांमासि ब्रह्म फरायसा थुलुंगाखां बान्था गोजौसिन गेजेरारि जोबथा आन्जाद 2024 आव बर' आयदायाव बांसिनथारै नाम्बार मोन्नाय लुकाश बर' (भक्तपारा, उदालगुरि) मोनाहा।

बर' थुनलाइ आफादनि जथुम्मानि बान्जाय आफादनि आफादगिरि, पानेरि बिधान सभा बियाबनि एमएलए आरौ आसाम आयेन आफादनि बुंथिगिरि बिश्वजित दैमारी, उदालगुरि जिल्ला बिजेपनि नेहाथारि जौस्रॉं बर', बिटिआरनि मावफुं सोद्रोमा दावबायसा बर'मोनहा बर' थुनलाइ आफादनि जथुमाव हारि, धोराम, राव सायख'आ जासे गासैबो हारि-हारिसानि राइजो-राजाफोरनि हेफाजाबजों लोगोसे नुजाथिफेनाय साफ्रोमखौबो सावायख'र बाउदों। □

मानास माहारियारि पार्कआव गिखंथाव जाथाय

ओन्सोलाव मोनसे नख'रआ दावबायफेनानै गिखंथाव जाथायजों मोगा-मोगि जानादों। मख'नो गोनांदि, मोनसे दावबायारि हान्जाया पार्कनि गाहाइ हावग्रा गेटनिफ्राय मबाइल लानानै भिडिअ खालामना जिप साफारि खालामदोंमोन। बे समावनो उन्थिजायनिफ्राय दावबायारिफोरनि गारिखौ मासे गेदेत गान्दाया उन्थिजायनिफ्राय गाग्लोबनो होसोदों। बेबादि गान्दानि गाग्लोबनो लानायखौ दावबायारिफोरनि हान्जाया संखिखांनो गोनां जादों। दावबायारिफोरनि हान्जाया माखासे आइजो आरौ गथ'साफोरखो डडमोन। खुद्रिखानाय गान्दाया माखासे समनाडै गारिखौ होसोदोंमोनब्लाबो सालायगिरिनि सांग्राथियाव दावबायारिफोरनि नख'रआ रैखा मोनो। मख'नो गोनांदि, थानाय बोसोरजों लोगोसेनो बे खेबनि दावबायारि बोसोरवबो दावबायारिफोरनि गारिखौ गान्दाया गाग्लोबनो होसोनाय गिखंथाव जाथाय सोमजिदों मानास माहारियारि पार्कनि बासबारि हाग्रा ओन्सोलाव। □

दुलाराइ आसाम मावफारिया आफादनि थान्दैफोरजों गिबि मन्थिआ सावरायलायदों

लोगोसे मावफारियाफोरनि अन्साइनि सोमोन्दै गुबुन गुबुन आयदायि सायाव सावरायनाय जायो। सावराय जथुमाव राइज्योनि मावगोहोखौ गोर्खों खालामनायनि थांखिजों मावफारियाफोरनि मिजिं-हास्थानायखौ सुफुंनयनि थांखिजों सिबिथाय खांन्थि सोदांनयनि थांखि, आपुन घर बिथांखिनि फेहरनाय, सरकारि मावफारियारिनि आजिरा लानायनि बैसो बायदि गुबुन गुबुन आयदायि सायाव सावरायलायो। राइज्यो मावगोहोनि अन्साइनायनि सार्थंआव माखासे गोनांथार आयदाजों समानैनो देहा फसंथानफोराव सरकारि मावफारिया आरौ बिसोरनि नख'रनि नोगोद गैयै फाहामथाय खाबुनि गोनांथि बायदिआयदाफोरा सावरायनाय समाव जायगा मोन्तो हायो। गिबि मन्थि ः शर्मांआ बुडोदि, राइज्यो सरकारि मावफारियाफोरनि अन्साइनि बिथिहाव थाद'नाय गैयै नाजानायखौ सोलिहोगासिनो दं। दुलाराइ आसाम मावफारिया आफादनि गोदानै सायख'जानाय आफादा जायफोर बिबानगिरिया सावरायनाय समाव बाहागो लादों राइज्यो सरकारि बेफोरखौ सान्नाय-हनाय खालामनानै थांखि आजावगोन होना फोरमायनानै गिबि मन्थिआ बांसिन गेबेडे आरौ बाउसोमनानै राइज्योआरिनि सिबिथायाव आसामनि मावफारिया समाजखौ गावथिसनो थाखाय खावलायहरो। दुलाराइ आसाम मावफारिया आफादनि थान्दैफोर बिसोरनि गुबुन गुबुन जॅनापोरखौ सुख्खानयनि बिथिडाव दाजाबथाय नोजोर लांखिनयनि थाखाय गिबि मन्थिखौ साबायख'र जासियो। मेलव सिफ सेक्रेटारि ः रवि कता, गिबि मन्थिनि प्रिन्सिपाल सेक्रेटारि ः के के द्विबेदिनि अनगायैबो आसाम सरकारिने गोजौ थाखोनि बिबानगिरिफोरजों लोगोसे दुलाराइ आसाम मावफारिया आफादनि आफादगिरि दिपेन शर्मा आरौ गाहाइ नेहाथारि पंकज बर्मन आरौ गोदानै सायख'जानाय सोद्रोमाफोरा बाहागो लायो। □

एबसुआ माहारिबादनि आदर्श, बड'फाआ गरेमसा हारि दानायनि मेंनो रोडै स्पिरिट...

सामलायनाय हाबाफारियाव गाहाइ आलासि महैरै बाहागो लायो दुलाराय बर' फरायसा आफादनि मानाव गेदेद आफादगिरि दिपेन बर' बिथांआ। मख'जाथावदि, बे गेवलां मेलआवनो जर'खा आलासि महैरै बाहागो लायो बि. टि. आर. नि गाहाइ मावफुं सोद्रोमा प्रमद बर' आरौ आसामनि केबिनेट मन्थि असक सिंगल बिथांमोना। हाबाफारियावनो मिरु एबसुनि बोसोनिगिरि खुंन्त्रा स्वर्गियारि, नेहाथारि बिदाव बर', बुंथिगिरि अबित नाजौरि, सुबुं फोनांजाव नेहाथारि राजेश बसुमतारि, बिस्वनाथ जिल्ला एबसुनि बारग' आफादगिरि संगल गयारी आरौ आफादगिरि नारायण बसुमतारि बिथांमोनाबो बाहागो लानायजों लोगोसे गुबुन - गुबुन आफादनि बिबानगिरिफोर आरौ सानसुमै बिथांमोनाबो मैखोमै बाहागो लायो। □

गसाइगाव बि पि एसआव नैथि आदार फोर्बो...

खालामनायनि थाखाय नाजादों होनानै फोरमायो। आदार फोर्बोनि हाथाफारियाव बड'लेण्ड पाब्लिक फरायसालिनि गोरायुं सि रिचाड' खरसिं, नायदिगिरि सुसान्त बसुमतारिजों लोगोसे माखासे आलासिफोरा बाहागो लायो। □

गाहाम देहानि राहा

माखासे फिथाइफोरनि जुस बानायनानै लोडेब्ला मोखाडाव नेसुरेल ग्ल' फैयो

नेसुरेल ग्ल'नि बाश्रायानो आलादा जायो। जेब्ला सुबु'फोरा नोंथांनो मेक आप फु ना जासेबो कमप्लिमेन्ट होयोब्ला नोंथाडा गोबां गोजोनो जानांगौ। दागो गैथै, स्लिम बिगुर, टमेट बायदि गोजा-गोजा समाइना खावलाइखौ गोबां मोजां नुयो। जुदि नोंथाडाबो बेबायदि स्किननि सेक्रेट फर्मुलाखौ हास्थायोब्ला नोंथाडा गावनि डाइटाव माखासे जुसफोरखौ लाफादेरनो हागोन। (1) बिट: बिटआव माखासे निडटिसन मोन्नाय जायो। बेवहाय थानाय पलेटा स्किन सेल्सखौ बांहोयो। बिटामिन सिआ बैसो बांनयानि गोहोमखौ बाडाइ खालामो, बिगुर थननायखौ जानगार खालामो। (2) गाजर: गाजरआव थानाय बिटा केरटिनआ बिगुरनि डेमेज जानायनिफ्राय रैखाथि होयो।



(3) आपेल: आपेलआ एन्टी अक्सिडेन्टजों बुंफनाय जायो, जाय तिरशु डेमेजखौ होबथायो। बेखौ जुसआव लाफादेरनायजों बिगुरआव कलेजम आरो इलास्टिनआ बाडो। जायजों नोंथांखौ लाइमोन नुयो। बेनि अनगायै भिटाविन ए, बि कमफलेक्स आरो सिआ स्किन पेक्ससारखौ सोलायनायनि खामानि मावो। (4) हाल्दै: हाल्दैआव थानाय कर्किउमिन्टआ बुखांनयखौ बाडाइ खालामो। बेखौ बिगुरआव फुन्नाय एबा जाग्रा

आदारव लाफादेरनायजों दागो जानायफोरनि जेंनाया जानगार जायो। लोगोसेनो नेसुरेल ग्लखौ मोन्नो हायो। (5) आमलाइ: आमलाइयाव भिटाविन सिखौ मोन्नो हायो, जाय बैसो बांनयावबो गोहोम खोखलै नो हायो। आमलाइजों थैआ साखोन-सिखोन जायो, जायजों मोखाडाव दागो, सिथरनि जेंनाया जाया। लोगोसेनो प्रि रेडिकेल्सनिफ्रायबो रैखाथि होयो।

असमिया सावथुन रिभिउयारफोर आरो सावथुन बिथोनगिरिफोरा रुपकार बान्था मोन्दों

मुंदांखा सावथुन-खौरंगिरि आरो थुनलाइगिरि पबित्र कुमार डेकानि गोसोखांथियाव होनाय मुंदांखा रुपकार बान्थाखौ फारियै लिरगिरि-सावथुन रिभिउयार उत्पल दत्तानो 2023 माइथयानि थाखाय आरो मुंदांखा फावखुंगुर-सावथुन बिथोनगिरि सन्जिब हाज'रिकानो 2024 माइथयानि थाखाय होनाय जादों। बान्था रननाय हाबाफारिया 5 जानेवारीखालि गुवाहाटीनि पबित्र कुमार डेका आर्काइवआव खुंफुंजादोंमोन। बे बोसोराव बान्थाखौ राइज्योनिसासे मुंदांखा दे'खोगिरि चन्दन चुडियानि गेजेरजों होनाय जादोंमोन। बान्था मोन्नो हानाय उत्पल दत्ताखौ सावथुनाव गावनि बिहोमा होनाय आरो बिनि बिथोन होनाय गिबि



सावथुन 'बाय लेन 2' नि थाखाय मिबथिनाय जायो। डेकानि जिउ' आरो खामानिजों थुलुंगानाय बिथांनि गिबि सावथुनआ माखासे हारिमायारि सावथुननि फोर्बोफोराव जोबोद बाखायजादों। मुंदांखा सावथुन बिथोनगिरि आरो फावखुंगुर सन्जिब हाज'रिकाआबो गावनि

मोजां मोन्नायखौ फोरमायदों। सावथुन खौरंगिरि बिदयुत कुमार भुइयानि गेजेरजों खुंफुंनय बे हाबाफारियावा गाहाइ फावगिरिफोराबो गोसो गोरबोनिफ्राय बिबार बाडदों। 'आसाम बानि' नि एडिटर आरो मुंदांखा लिरगिरि दिलिप चन्दनआ फरायसा समनि

डेकाखौ गावजों रायज्जलाय जेन्नाय समफोरखौ गोसोखांदों। माइम फावगिरि मडनुल हकआ मोनसे मुजिथावना गोसोखांथि शेयार खालामो, जेराव बिथांआ गावनो मुंदांखा फावखुंगुर रंसारि जयन्त दासजों डेकानि जिउनि गियान आरजिनायाव दंफायोमोन।

'बिग बस 18' आव कन्टेस्टेन्टफोरनि गेजेराव गोखौ बादायलायनायखौ नुनो मोन्दों

कालार्स टिभिनि मुंदांखा स्व' 'बिग बस 18' आ दा फिनालेनि खाथिआव सफैबाय। बिग बसनि न'आव दा सा 7 सुबु'फोराल' दसै आरो बिसोरनि गेजेराव गोखौ बादायलायनायखौ नुनो मोनगासिनो दं। ट्रफि लानो लुबैनयानि जाहोनाव माखासे सोमोन्दोफोरखौ बायनायबो नुनो मोन्दों। बेनि गेजेराव उडकेन्डनि वारआबो खाथियाव सफैबाय, जायनि गिबि प्रमआबो सोरांआव फैबाय। बेवहाय सलमान खानखौ न'नि सोद्रोमाफोरखौ फिन खनसेबाव खुद्रिनाय नुनो मोन्दों। प्रम'आव नुनो मोन्नाय जायोदि, सलमान खानआ टिकेट टु फिनले टास्कनि आयदाखौ बोखाडो आरो भिभियन डिसेनाखौ रायो। सलमानआ भिभियनखौ बुडोदि, नोंथांआ चुमखौ निमाहा बिनायनि गेजेरजों अभिनाश आरो इशाखौ इगनर खालामदोंमोन। फावखुंगुर एबा हस्टआ अन्सुला कन्टेस्टेन्टखौ रायनानै बुडोदि, नोंथांआ गावनि



अनगायै रावखौबो नुवा। बेनि उनाव बिथांआ चुमखौबो टिकेट टु फिनले टास्कआव भिभियनखौ गात्रि दिन्थिनायनि थाखाय रायो। बिथांआ करणभिर मेहराखौबो बुडोदि, गासै भारतआनो मिबथिनो लुबैदोंदि, चुमनि थाखाय गेलेनानै बिथांआ ट्रफिखौ माबैरै देरहागोन। बेनि फिननायाव करणआ बुडोदि, आंहा शरर जे अं टप 5 आव थागोन आरो बेखौबो शरर जे चुमआबो टप 5 आव थागोन। बे बाश्राखौ दानस'नानै सलमान खानआ बुडोदि, जुदि नोंथांआ एसेबां कन्फिडेन्ट मोनबा नोंथांआ शिल्फानि थाखायबो गेलेनो हागौमोन। बिथांआ करणखौ बेखौबो बुडोदि, जुदि

बिथांआ जोबोद गोसो गिदिरब्ला, बे स्व'आ नोंथांनि कालार्सफोरनि थाखाय प्राइज

थाखाय जोबोद फिसा, जों बयबो नोंथांनि थाखाय जोबोद फिसा। नोंथांनि सानायखौ जाफु'होनो हायो, नोंथाडा बायजोआव फैदों। बेनि उनाव बयनिखुइ मुजिथावना समआ अब्ला फैयो, जेब्ला सलमान खानआ चाहतजों बाथा सावरायो आरो बुडोदि, नोंथांनि बिमाया कालार्सफोरनि थाखाय प्राइज

फतेह' सावथुननि गिबि साननि कालेक्सनआ नुजाथिबाय

सनु सुदिनि बिथोन होनायाव बानायनाय 'फतेह' सावथुनखौ शुक्रबार 10 जानेवारीखालि सिनेमा हलफोराव रिजिज खालामनाय जाबाय। बे सावथुननिफ्राय फावखुंगुरआ खमैबो 2 बोसोर उनाव पर्दाआव फैफिनबाय। 2022 माइथायाव फावखुंगुरनि जोबथा सावथुन 'सम्राट पृथ्विराज' आ नुजाथिदोंमोन, जेराव अक्षय कुमारआ लिड रल दिन्थिदोंमोन। 'फतेह' सावथुनाव सनु सुदखौ लिड रलआव नुनो मोन्दों। रां आरजिनाय बिथिंआव गिबि सानआव बे सावथुना लासैनो जागायदोंमोन। सावथुननि ट्रेलारआ जेब्ला रिजिज जादोंमोन अब्ला सुबु'फोरनिफ्राय जोबोद मोजां रिस्पन्स मोन्दोंमोन। अपेनि डेआव सावथुननि टिकेटनि बेसेना खालि 99 रंल'मोन। बबेखानि आथिखालाव रां आरजिनाय अन्जिमायाबो सोरांआव फैबाय। सेकनिलकनि रिपर्टनि बायदिब्ला, 'फतेह' सावथुना गिबि सानाव बक्स अफिसआव 2.45 कौटि एबा खमैबो 3

सुपार स्टार नागाअर्जुनआ अन्नपुर्णा स्टुडिअनि 50 बोसोर जाफुंसारनायाव मोनसे गोदान अन्थोब होदों




भारतीय सिनेमाखौ गोजौ थाखोआव लांनो थाखाय फिल्ममेकार्सफोरा गोबां नाजागासिनो दड। गिबियाव ए-वान विएफएक्सजों लोगोसे सावथुनफोरखौ गिदिर पर्दायाव दिन्थिनाय जादोंमोन आरो आथिखालाव डाल्बि भिजन टेक्निकखौ लन्च खालामनाय जादों। आरआरआर आरो बाहुबली बायदि सावथुनफोर बानायग्रा एसएस राजामौलिआ बावैसो सिगां अन्नपुर्णा स्टुडिअजआव डाल्बि सार्टिफाइड प्रडक्सन फेसिलिटीखौ लन्च खालामदों। सुपारस्टार नागाअर्जुनआ अन्नपुर्णा जाफुंसारनायाव सावथुन मुलुगानो मोनसे गोदान अन्थोब होदों। बिथाडा गावनि स्टुडिअआव भारतनि गिबि डाल्बि भिजनखौ लानानै फैदों, जायखौ एसएस राजामौलिआ बेखेवदों। राजामौलिआ डाल्बि भिजनखौ लानानै गावनि सान्नायखौ फोरमायदों आरो मिबथि होयोदि, बिथाडा आरआरआर

सावथुननि थाखायबो बे टेक्निकखौनो बाहायदोंमोन। डाल्बि भिजन टेक्निकखौ बेखेवनानै एसएस राजामौलिआ बुडोदि, 'आरआरआरनि समाव जेब्ला जों सावथुनखौ डाल्बि भिजनआव ग्रेड खालामनो लुबैदोंमोन अब्ला जों

जामानीसिम दावबायनो गोनां जादोंमोन। बेयो गोसो बोजाथावमोनदि, आं आंनि हादतआव डाल्बि भिजनआव गावनि सावथुनखौ नायनो मोनाखै नाथाय आं दिनै अन्नपुर्णा स्टुडिअआव डाल्बि भिजन ग्रेडिनि सुबिधाखौ नुनानै

जहान कापुरनि 'ब्लेक वारेन्ट' सिरिजखौ अटिटिआव रिजिज खालामबाय

विक मादित्य मटवानिआ गावनि सिरिज ब्लेक वारेन्टजों लोगोसे नायगिरिफोरनो भारती बयनिखुइ गोखौसिन जेलनि सोमोन्दै मिबथि होनो नागिरदों। स्व'खौ आथिखालाव रिजिजबो खालामनाय जाबाय आरो सशेल मिडियाआव बेखौ गोबां सावरायगासिनो दं। जेलनि



खालामदोंमोन। सावथुननि सल'खौ 2016 आव ढाकाआव मोनसे उतखारिफोरजों जानाय जाथाइनि सायाव बानायनाय जादोंमोन। बबेखानि बे सावथुना बक्स अफिसआव फलप जादोंमोन। नाथाय आथिखालाव बेयो अटिटिआव

नुजाथिबाय आरो बिथांनि फावखौ जोबोद अन्साइगासिनो दं। 'ब्लेक वारेन्ट' जायनि मुंआनो जादों तिहार जेल, बेनि माखासे थाखुमाना थानाय आयदाफोर सोरांआव फैसिगोन। 1980 माइथायनि सायाव बानायनाय बे स्व'आ सासे

भिजनआव सावथुन नायनो मोनगोना मोनसे आलादा मोन्दांथिनाय जागोन, क्रिस्टल-क्लियार क्लेरिटी आरो जे बायदियै बेयो मोनफ्रोम फ्रेमनि समाइनाखौ बारयहोयो। बियो सल'खौ गोदान थाखोआव लानानै थाडो। आं नायगिरिफोरखौ बेखौ मोन्दांथि होनो थाखाय नेनो हायै जाबाय। गुबुन फारसेथि अन्नपुर्णा स्टुडिअनि फेस आरो भाइस प्रेसिडेन्ट नागाअर्जुनआ लन्च इन्भेन्टआव डाल्बि बिजनखौ लाबोनो हानायनि थाखाय गावनि खुसिखौ फोरमायदों। बिथाडा बुडोदि, जेब्लाबो बिबिदोनो भारतीय सिनेमायाव इनभेन्शन लाबोबाय थागोन।

गोदान जेलार सुनिल गुप्तानि जिउनि सल'। बेयाव सान्नाय आरो मोगथां जिउनि जाथायफोरखौ लाफानानै बानायनाय हाइ-प्रफाइल केइदिफोरनि सोमोन्दै दिन्थिनाय जादों। स्व'आव नोंथांमोनहा नुनो मोनगोनदि, माब्रैहाय तिहार जेलनि गोब्राब थासाारियाव सुनिलआ गावखौनो बेव नोंथाव होयो। जहानआ बेवहाय जोबोद मोजाडै नो खामानि मावदों। सिरिजआव जहान कापुरनि अनगायै राहुल भट, रपमभिर सिंह चिमा, अनुगण ठाकुर आरो सिद्धान्त गुप्ताआबो लिड रलआव नुजाथिदों।

डिज्जिआ लस एन्जिल्सआव अर खामनायाव हेफाजाव होनो थाखाय आखाय फोलावदों

लस एन्जिल्स काउन्टिनि हाग्रायाव अर खामनाया दसिमाव गोबां ख'हा खालामबाय। बे गोबां ख'हा जानायखौ नोजोर होनानै वाल्ट डिज्जि कम्पानीआ हेफाजाव होनो थाखाय आखाय फोलावदों। शुक्र बारखालि कम्पानीया फोसावनानै बुडोदि, जागायजेन्नाय आरो इभिडिएल रैखा एबा फिन बानायफिन्नो नाजानायनि थाखाय 1 कौटि 50 लाख डलार दान होगोन। बे अर खामनायाव दसिमाव रोजा-रोजा न'फोर आरो बिर्लिडफोर खामफाबाय आरो खमैबो सा 10 सुबु'फोरा जिउ गोमाबाय। अरआ गोसारनानै पेसिफिक पेलिसेडस मालिबु, पासाडेना आरो हलिउड हिल्सआव रोजा-रोजा एकर हाखौ खामनानै ख'हा खालामबाय। डिज्जिआ गावसिनि फोसावनायाव बुडोदि, दानखौ आमेरिकानि रेड क्रस, लस एन्जिल्स फायार

काउन्टिनि हाग्रायाव अर खामनाया दसिमाव गोबां ख'हा खालामबाय। बे गोबां ख'हा जानायखौ नोजोर होनानै वाल्ट डिज्जि कम्पानीआ हेफाजाव होनो थाखाय आखाय फोलावदों। शुक्र बारखालि कम्पानीया फोसावनानै बुडोदि, जागायजेन्नाय आरो इभिडिएल रैखा एबा फिन बानायफिन्नो नाजानायनि थाखाय 1 कौटि 50 लाख डलार दान होगोन। बे अर खामनायाव दसिमाव रोजा-रोजा न'फोर आरो बिर्लिडफोर खामफाबाय आरो खमैबो सा 10 सुबु'फोरा जिउ गोमाबाय। अरआ गोसारनानै पेसिफिक पेलिसेडस मालिबु, पासाडेना आरो हलिउड हिल्सआव रोजा-रोजा एकर हाखौ खामनानै ख'हा खालामबाय। डिज्जिआ गावसिनि फोसावनायाव बुडोदि, दानखौ आमेरिकानि रेड क्रस, लस एन्जिल्स फायार



डिपार्टमेन्ट फाउन्डेसन आरो लस एन्जिल्स रिजनेल फुड बैंक बायदिआव हरगोन। वाल्ट डिज्जि कम्पानीनि सिइअ बब एगरआ बुडोदि, बे समाव वाल्ट डिज्जि कम्पानीया जॉनि फोलेर आरो जॉनि मावसुमाफोरखौ हेफाजाव होनायनि थाखाय आखाय फोसावदों, जाहाथे जों बयबो ज' जानानै बे ख'हा जानायनिफ्राय रैखा मोनो आरो फिन बानायफिन्नो हायो। बिथड आरोबाव बुडोदि, 'वाल्ट डिज्जिआ लस एन्जिल्सआव गावसिनि सान्नायजों आगान

होफै दोंमोन। डिज्जिआ एलएएफडि बायदि गिबि रिएक्सस आरो केएबिसिनि 24 घन्टा खामानि मावग्रा खौरंगिरिफोरखौ बे सप्ताहनि नांथाबनायखौ बाखायनानै बुडोदि, 1 कौटि 50 लाख डलार दान होनानै कम्पानीआ गावसिनि मावसुमा रैखाथिनि थाखाय रां खांथि हेफाजाव होनो आवागयबोदों। जाहाथे बे जेंनानि जाहोनाव गोब्राब थासाारिजों मोगा-मोगि जानानाय मावसुमाफोरखौ मदत होनो हायो।



कौटि रंनि बिजनेस खालामदों। अदेबानि बे मोनसे लासैयै जागायनाय, नाथाय सावथुननि बाजेटखौ 25 कौटि रं होना मिबथि होनाय जादोंमोन। बेनिखायनो फैनो गोनां सानफोराव बेयो गावनि बाजेटखौ दिहुनयजों लोगोसे रां आरजिनाय बिथिंआवबो मोजाडै नो दावखो लांगोन होना आसा

खालामनाय जादों। सनु सुदिनि सावथुनखौ बक्स अफिसआव राम चरणनि 'गेम चेन्जार' सावथुनजों बादायलायनाय नुनो मोन्दों। जुदि गोजाम रिपर्टखौ नायोब्ला, साउथनि सावथुनफोरखौ बक्स अफिसआव बांसिन गोहोम गोलैनाय नुनो मोन्दों। बेनि जाउनाव जोबोद आसा खालामोदि, रां आरजिनाय बिथिंआव राम चरणनि सावथुना आवागय लांगोन। नाथाय सनु सुदिनि सावथुनखौबो गोरलैयै लानाया गोरैन्थि जागोन मानोना सशेल मिडियाआव सुबु'फोरा सावथुनखौ लानानै गोबां सावरायगासिनो दं। मख'नो गोनांदि, गेम चेन्जार सावथुना गिबि सानाव 51.25 कौटि रंनि अपेनि लादों, जेराव तेलुगुआव 42 कौटि रं, तामिलआव 2.1 कौटि रं, हिन्दिआव 7 कौटि रं, कन्नडुआव 1 लाख रं, मालायालमआव 5 लाख रं आरजिदों। हाइ भल्टेज ड्रामाजों बुंफनाय 'फतेह' सावथुननि मोनफा मोनफा सिनआ नायथावना।

इन्डिया अपेन सुपार 750 बेडमिन्टनआव भारतआ जारिमिनारि महै देरसिन हान्जाजों जुजिनो ओंखारगोन

गोदान दिल्ली, 11 जानुवारि: फेगौ 14 जानुवारिनफ्राय यनेकस-सानराइज इन्डिया अपेन सुपार 750 बेडमिन्टन दुर्नामेन्टआ जागायबाय। बे दुर्नामेन्टआव लक्ष्य सेन आरो पिभि सिन्धुनि दैदेन्नायाव भारतआ जर'खा मिर्जिथि लागोन। जेराव जारिमिनारि महै बेयाव देरसिन भारतनि हान्जाया ओंखारगोन। अलिम्पिक सेम्पियन भिक्टर एक्सेल्सनजों लोगोसे मुलुगनि नम्बर 1 शि युकीखौबो बे इभेन्टआव ओंखारनाय नुगोन। हौवाफोरनि सिंगेल्सआव भारतनिफ्राय



साथाम, आइजोफोरनि सिंगेल्सआव साब्रै, हौवाफोरनि डबल्सआव सानै, आइजोफोरनि डबलआव सा 8 आरो मिक्स डबल्सआव मोनब्रै जराफोरा सेलेन्जआव ओंखारगोन। इन्दिरा

गान्धी स्टेडियामनि केडि यादव इन्दर हलआव खुंजानो गोनो बे दुर्नामेन्टआव सेम्पियन्सनि थाखाय 8.15 कौटि राडरि बान्था फोसावनाय जादों। जेराव देरहागिरिआ 11000 रेंक पडन्ट

मोनगोन। बे दुर्नामेन्टखौ 2023 आव सुपार 750 केटेगिरीआव लाबोनाय जादों। जेराव थांनाय सिजनआव भारतनिफ्राय सा 14 गेले गिरिफोराल' ओंखारदों। बे दुर्नामेन्टनि थांनाय सिजनआव शिराग शक्ति आरो सात्विकसाइराज रेन्किरेड्डिआ हौवाफोरनि डबल के टेगिरीनि फाइनालाव सौहैदोंब्लाबो बिमुं देरहानो हायाखै। जेराव एडसएस प्रनयआ थांनाय बोसोराव हौवाफोरनि सिंगेल्स सेमिफाइनालसिम सौहैदों हादोंमोन।

गोदान दिल्ली, 11 जानुवारि: इटालीनि टप रेंकिनि गेलेगिरि यानिक सिनार आरो साबियानि नभाक जकभिचआ सोलिफु बोसोरनि गिबि ग्रेन्डस्लेम अस्ट्रेलियान अपेननि सेमिफाइनालसिम गावजों गाव सेलेन्ज मोनज्जायनाय नडा। बिसोर सानैआ थांनाय बोसोरनि सेमिफाइनालाव बादायलायनो खाबु मोन्दों। जायनि फारिआव सिनारआ देरहानायजों फाइनालआव सौहैदों। फेगौ 12 जानुवारिनफ्राय जानो गोनो बे अपेनआव जकभिचआ गावनि 11 थि बिमुंनि थांखिआव ओंखारगोन। जायनि फारिआव बिथाडा गिबिथै भारतीय फोलेरनि आमेरिकानि गेलेगिरि निचेस



बासभारेड्डिजों सेलेन्जआव ओंखारगोन। सिनारआ रासियानि दानिल मेदभेदेभखौ खेबनै सेटआव उन जानायनि उनाव 3-6, 3-6, 6-4, 6-4, 6-3 स्करआव फेजेन्नाथे थांनाय बोसोराव बे अपेननि बिमुंखौ देरहादों। बे खेबआव

गिबि राउन्डआव बिथाडा सिलीनि निकलास जेरिजों बादायगोन। आइजोफोरनि केटेगिरीआव बेलारुसनि आर्यना सभालेन्काआ 2017 नि इडएस अपेननि सेम्पियन आमेरिकानि स्लएन स्टिफे नसजों बादायगोन। सिंगेल्स

भारतनि सेलेन्जआ मुलुगनि नम्बर 96 थाखोनि बादायारि सुमित नागलनि आखाइयाव थागोन। जेराव बिथाडा गिबि राउन्डआव मुलुगनि नम्बर 26 थाखोनि चेक रिपब्लिकनि थासम मसाकजों जागोन।

4 बोसोर उनाव पाकिस्तान-इउरप उरां सिबिथाया जागायबाय




इस्लामाबाद, 11 जानुवारि: इउरपआव पाकिस्तान इन्टरनेसनेल एयारलाइन्सनि सायाव होबथानायखौ 4 बोसोर उनाव बोखारनाय होबाय। बेनि गेजेरजों पाकिस्ताननि माहारियारि उरां कम्पानीआ शुक्रबारखालि

पेरिससिम गिबि उरां सिबिथायखौ हगारनानै इउरपआव सिबिथायखौ जागायफिनो। रैखाथि मान दान्दाफोरखौ लानानै इउरपियान इउनियननि उरां एजेन्सिआ जाबसिन्नाय होबथानाया ब्रै

बोसोरनिबो बावसिन जाबायमोन। बे होबथानाया 2020 नि जुन दाननिफ्राय गोहोम गोनो जादोंमोन। मानोना करचिआव बाग्लायनो नागिरना फेले जानानै गंसे उरांआ जाब्रथायाव गोग्लैनायनि उनाव

इन्टरनेसनेल एयारलाइन्स मानदान्दाफोरखौ फालिनायाव पाकिस्ताननि बिबानगिरिफोर आरो बेनि नोगोरारि उरां सामलायग्रानि गोहोनि बागै जिंगा फोरमायनाय जादोंमोन। होबथानायखौ बोखारनायनि उनाव गिबि उरांआ इस्लामाबाद इन्टरनेसनेल एयारपर्टनिफ्राय शुक्रबारनि 12.12 रिंगायाव उरायो, जाय बइं 777 उरांमोन, जेराव सा 330 दावबायारि आरो सा 14 क्रु मेम्बार्फोर दडमोन। फिन जागायनाय उरां सिबिथायनि गिबि उरांखौ मन्थि ख्वाजा आसिफ, पिआइएनि सिइअ एयार भाइच मार्सेल आमिर हायात आरो गुबुन गागि बिबानगिरिफोरा ग्रीन सिगनेल दिस्थियो।

सासे रिटायर जाजआ बन्दे भारत ट्रेनआव जिउ फोजोबनानै लादों



कुरुक्षेत्र, 11 जानुवारि: हारियाननि कुरुक्षेत्रआव रिटायर जाज रंभन्धर कुमारआ खारबाय थानाय ट्रेनआव जिउ गोमायो। दिल्ली-अमृत्सर रेलवे ट्रेकआव बे जाथाया दिनै शनिबारखालि बन्दे भारत एक्सप्रेस ट्रेनआव जादों। रिटायर जाजआ पन्चकुलानि थागिबिमोन। बिनि पार्सनिफ्राय नटवो मोन्दों, जेराव गाव थैनायनि थाखाय

रावनिबो दाय गैया होन्ना बुंदों। अदेबानि मा जाहोनाव कुमारआ ट्रेनआव बारसोमना जिउ फोजोबनानै लाखो बेनि जेबो खौरं मोनाय जायाखै। रेलवे पुलिसनि साब इनस्पेक्टर कमल राणाआ फोरमायदोंदि, सिग्रोमनायाव थैनाय कुमारनि पार्सनिफ्राय गांसे नट मोन्दों, जेराव इरांजनि लिरनाय दडमोन। नटआव नन सुड बि हेल्ड..... लाइबल फर माइ डेथ। आइ एम टेकिं डिस स्टेप माइ अन होन्ना लिरनाय दडमोन। गावनि गोसोजों थैनायनि थांखि लादों होन्ना लिरनाय नटआव बियो गावनि न'नि थंखौबो लिरदोंमोन। बेनिफ्राय पुलिसआ खौरं लायो आरो थैनाय सुबुंखौ रंभन्धर कुमार होन्ना मिथिहोदों। नख'राबो गोथै सहखौ सिनायथिनो हादों। बुंनाय जादोंदि, थांनाय बुधबारआव बियो बिमा-बिफाजों जयै बिसिनि जोनोम सान फालिदोंमोन। बेनि अखानायै सानफ्रोमबोनि बादिनो फुडव न'निफ्राय बेरायग्लानो ओंखारबोयो आरो बेनिफ्रायनो नसिम सौहैफिनाखैमोन।



आसाम सरकार

नोंथानि सांग्राथियानो रैखाथि होनो हायो नोंथानि जिउ, थांना थानायनि राहा, सम्पद आरो आंगोफोरखौ

अर खामनायनि जाहोनफोरनि सोमोन्दै मिबथि, सांग्रां जा आरो रैखाथियै था



- स्ट-सार्किट जानाय मोब्लिबआरि आइजें-आइलाफोरखौ थाबेनो फोसाबना ला एबा बेनि जायगायाव गोदान आइजें-आइला बाहाय।
- अर खोमोरनो थाखाय दोरोडारि महैरे बाहायनाय वेसादफोर जैरे- बालाजों बुंफबनाय थपला, कम्बल बायदिफोरखौ गोलेँथे मोन्नाय जायगायाव दोन।
- अर खोमोरनायनि गुदि रोंग'थिफोर आरो अर खोमोरग्रा जोन्थोर (फायार एक्सटिगुइसर) बाहायनायनि सोमोन्दै मिबथिनानै ला।
- मोब्लिबआरि लड केपासिटि (लड केपासिटि) बायदियैसो उफ्रा प्लाग एबा फोनांजाब (माल्टि प्लाग) बाहायनांगौ।
- हितार बायदि मोब्लिबआरि आइजें-आइला, एक्सटेन्सन कर्डजों फोनांजाब खालामनाडा।

- मोब्लिब टारफोरनि बबेबा बाहागोनिक्राय जानो हाथाव लिकेजखौ नायबिजरनानै गोनांथि बायदिये फोसाबनानै ला।
- थाग्रा खुलियाव हरखाबै ओंखार लांग्रा लामा/दर्जा (इमारजेन्सि एक्विट रुट/दर) बाहायनायखौ रोखा खालाम।
- संग्रा गेस बाहायनायनि उनाव अरायबो रेगुलेटरनि सुइचखौ बन्द खालाम।
- सलाइखाथि बाहायनायनि उनाव बेयाव थानाय अरखिखौ खोमोरनाया गोनांथार जाहाथे हरखाबे जेबो गिदिर अर खामनाय सोमजिनो हाया।
- जायखि-जाया जोंग्रा थुखा/स्फुलिं जैरे सलाइखाथि, बिडि/सिगारेटनि थुखा बायदिखौ जेराव-मेराव गारनो नाडा नडाब्ला बेफोरनो गिदिर अर खामनाय जाथाय सोमजिहोनो हागौ।
- गिसि आखाइजों मोब्लिबआरि आइजें-आइला बाहायनायनिफ्राय जानगाराव था।
- लांदां आथिजों मोब्लिबआरि आइजें-आइला बाहायनायनिफ्राय जानगाराव था।



जायखि-जाया गोनांथार मददनि थाखाय फोनांजाब खालाम
राइज्योआरि सामलायथाय सेल:
0361-2237219/09401044617/1070/1079/112
(टल फ्री नं)
जिल्ला सामलायथाय सेल:
1077 (टल फ्री नं)

आसाम राइज्योआरि खैफोद सामलायथाय बिबानगिरिजों राइजो-राजाफोरनि थाखाय फोसावजानाय